

.. Rigveda Mandala 2 ..

॥ ऋग्वेदः मण्डलं २ ॥

त्वमग्ने द्युभिस्त्वमाशुशुक्षणिस्त्वमद्भ्यस्त्वमश्मनस्परि ।
त्वं वनेभ्यस्त्वमोषधीभ्यस्त्वं नृणां नृपते जायसे शुचिः ॥ २.००१.०१
तवाग्ने होत्रं तव पोत्रमृत्वियं तव नेष्ट्रं त्वमग्निदृतायतः ।
तव प्रशास्त्रं त्वमध्वरीयसि ब्रह्मा चासि गृहपतिश्च नो दमे ॥ २.००१.०२
त्वमग्ने इन्द्रो वृषभः सतामसि त्वं विष्णुरुरुगायो नमस्यः ।
त्वं ब्रह्मा रयिविद्ब्रह्मणस्पते त्वं विधतः सचसे पुरंध्या ॥ २.००१.०३
त्वमग्ने राजा वरुणो धृतव्रतस्त्वं मित्रो भवसि दस्म ईड्यः ।
त्वमर्यमा सत्पतिर्यस्य सम्भुजं त्वमंशो विदथे देव भाजयुः ॥ २.००१.०४
त्वमग्ने त्वष्टा विधते सुवीर्यं तव गनावो मित्रमहः सजात्यम् ।
त्वमाशुहेमा ररिषे स्वश्च्यं त्वं नरां शर्धो असि पुरस्वसुः ॥ २.००१.०५
त्वमग्ने रुद्रो असुरो महो दिवस्त्वं शर्धो मारुतं पृक्ष ईशिषे ।
त्वं वातैरख्यैर्यासि शंगयस्त्वं पूषा विधतः पासि नु त्मना ॥ २.००१.०६
त्वमग्ने द्रविणोदा अरंकृते त्वं देवः सविता रत्नधा असि ।
त्वं भगो नृपते वस्व ईशिषे त्वं पायुर्दमे यस्तेऽविधत् ॥ २.००१.०७
त्वामग्ने दम आ विष्पतिं विशस्त्वां राजानं सुविदत्रमृञ्जते ।
त्वं विश्वानि स्वनीक पत्यसे त्वं सहस्राणि शता दश प्रति ॥ २.००१.०८
त्वामग्ने पितरमिष्टिभिर्नस्त्वां भ्रात्राय शम्या तनूरुचम् ।
त्वं पुत्रो भवसि यस्तेऽविधत्त्वं सखा सुशेवः पास्याधृषः ॥ २.००१.०९
त्वमग्ने ऋभुराके नमस्यस्त्वं वाजस्य क्षुमतो राय ईशिषे ।
त्वं वि भास्यनु दक्षि दावने त्वं विशिक्षुरसि यज्ञमातनिः ॥ २.००१.१०
त्वमग्ने अदितिर्देव दाशुषे त्वं होत्रा भारती वर्धसे गिरा ।
त्वमिळा शतहिमासि दक्षसे त्वं वृत्रहा वसुपते सरस्वती ॥ २.००१.११
त्वमग्ने सुभृत उत्तमं वयस्तव स्पार्हे वर्ण आ संदृशि श्रियः ।
त्वं वाजः प्रतरणो बृहन्नसि त्वं रयिर्बहुलो विश्वतस्पृथुः ॥ २.००१.१२
त्वामग्ने आदित्यास आस्यंश् त्वां जिह्वां शुचयश्चक्रिरे कवे ।
त्वां रातिषाचो अध्वरेषु सश्चिरे त्वे देवा हविरदन्त्याहुतम् ॥ २.००१.१३
त्वे अग्ने विश्वे अमृतासो अद्बुह आसा देवा हविरदन्त्याहुतम् ।
त्वया मतासः स्वदन्त आसुतिं त्वं गर्भो वीरुधां जज्ञिषे शुचिः ॥ २.००१.१४
त्वं तान्सं च प्रति चासि मज्मनाग्ने सुजात प्र च देव रिच्यसे ।
पृक्षो यदत्र महिना वि ते भुवदनु द्यावापृथिवी रोदसी उभे ॥ २.००१.१५
ये स्तोतृभ्यो गोअग्रामश्चपेशमग्ने रातिमुपसृजन्ति सूरयः ।

अस्माञ्च ताँश्च प्र हि नेषि वस्य आ बृहद्वदेम विदथे सुवीराः ॥ २.००१.१६

यज्ञेन वर्धत जातवेदसमग्निं यजध्वं हविषा तना गिरा ।
समिधानं सुप्रयसं स्वर्णरं दुक्षं होतारं वृजनेषु धूर्षदम् ॥ २.००२.०१
अभि त्वा नक्तीरुषसो ववाशिरेऽग्ने वत्सं न स्वसरेषु धेनवः ।
दिव इवेदरतिर्मानुषा युगा क्षपो भासि पुरुवार संयतः ॥ २.००२.०२
तं देवा बुधे रजसः सुदंसं दिवस्पृथिव्योररतिं न्येरिरे ।
रथमिव वेद्यं शुक्रशोचिषमग्निं मित्रं न क्षितिषु प्रशंस्यम् ॥ २.००२.०३
तमुक्षमाणं रजसि स्व आ दमे चन्द्रमिव सुरुचं ह्यार आ दधुः ।
पृश्न्याः पतरं चितयन्तमक्षभिः पाथो न पायुं जनसी उभे अनु ॥ २.००२.०४
स होता विश्वं परि भूत्वध्वरं तमु ह्यैर्मनुष ऋञ्जते गिरा ।
हिरिशिप्रो वृधसानासु जभुरदद्यौर्न स्तृभिश्चितयद्रोदसी अनु ॥ २.००२.०५
स नो रेवत्समिधानः स्वस्तये संददस्वान्नयिमस्मासु दीदिहि ।
आ नः कृणुष्व सुविताय रोदसी अग्ने ह्य्या मनुषो देव वीतये ॥ २.००२.०६
दा नो अग्ने बृहतो दाः सहस्रिणो दुरो न वाजं श्रुत्या अपा वृधि ।
प्राची द्यावापृथिवी ब्रह्मणा कृधि स्वर्णं शुक्रमुषसो वि दिद्युतः ॥ २.००२.०७
स इधान उषसो राम्या अनु स्वर्णं दीदिदरुषेण भानुना ।
होत्राभिरग्निर्मनुषः स्वध्वरो राजा विशामतिथिश्चारुरायवे ॥ २.००२.०८
एवा नो अग्ने अमृतेषु पूव्यं धीष्पीपाय बृहद्विषेषु मानुषा ।
दुहाना धेनुर्वृजनेषु कारवे त्मना शतिनं पुरुरूपमिषणि ॥ २.००२.०९
व्यमग्ने अर्वता वा सुवीर्यं ब्रह्मणा वा चितयेमा जना अति ।
अस्माकं द्युम्नमधि पञ्च कृष्टिषुच्चा स्वर्णं शुशुचीत दुष्टरम् ॥ २.००२.१०
स नो बोधि सहस्य प्रशंस्यो यस्मिन्सुजाता इषयन्त सूरयः ।
यमग्ने यज्ञमुपयन्ति वाजिनो नित्ये तोके दीदिवांसं स्वे दमे ॥ २.००२.११
उभयासो जातवेदः स्याम ते स्तोतारो अग्ने सूरयश्च शर्मणि ।
वस्वो रायः पुरुश्चन्द्रस्य भूयसः प्रजावतः स्वपत्यस्य शग्धि नः ॥ २.००२.१२
ये स्तोतृभ्यो गोअग्रामश्चपेशसमग्ने रातिमुपसृजन्ति सूरयः ।
अस्माञ्च ताँश्च प्र हि नेषि वस्य आ बृहद्वदेम विदथे सुवीराः ॥ २.००२.१३

समिद्धो अग्निर्निहितः पृथिव्यां प्रत्यङ्घ्रिश्चानि भुवनान्यस्थात् ।
होता पावकः प्रदिवः सुमेधा देवो देवान्यजत्वग्निरहंन् ॥ २.००३.०१
नराशंसः प्रति धामान्यञ्जन्तिस्त्रो दिवः प्रति म्हा स्वर्चिः ।
घृतप्रुषा मनसा ह्यमुन्दन्मूर्धन्यज्ञस्य समनक्तु देवान् ॥ २.००३.०२
ईळितो अग्ने मनसा नो अहंन्देवान्यक्षि मानुषात्पूर्वो अद्य ।
स आ वह मरुतां शर्धो अच्युतमिन्द्रं नरो बहिषदं यजध्वम् ॥ २.००३.०३
देव बर्हिर्वधमानं सुवीरं स्तीर्णं राये सुभरं वेद्यस्याम् ।

घृतेनाक्तं वसवः सीदतेदं विश्वे देवा आदित्या यज्ञियासः ॥ २.००३.०४
 वि श्रयन्तामुर्विया हूयमाना द्वारो देवीः सुप्रायणा नमोभिः ।
 व्यचस्वतीर्वि प्रथन्तामजुर्या वर्णं पुनाना यशसं सुवीरम् ॥ २.००३.०५
 साध्वपांसि सनता न उक्षिते उषासानक्ता व्ययेव रण्वते ।
 तन्तुं ततं संवयन्ती समीची यज्ञस्य पेशः सुदुघे पयस्वती ॥ २.००३.०६
 दैव्या होतारा प्रथमा विदुष्टर ऋजु यक्षतः समृचा वपुष्टरा ।
 देवान्यजन्तावृतुथा समञ्जतो नाभा पृथिव्या अधि सानुषु त्रिषु ॥ २.००३.०७
 सरस्वती साधयन्ती धियं न इळा देवी भारती विश्वतूर्तिः ।
 तिस्रो देवीः स्वधया बर्हिरेदमच्छिद्रं पान्तु शरणं निषद्य ॥ २.००३.०८
 पिशङ्गरूपः सुभरो वयोधाः श्रुष्टी वीरो जायते देवकामः ।
 प्रजां त्वष्टा वि ष्यतु नाभिमस्मे अथा देवानामप्येतु पाथः ॥ २.००३.०९
 वनस्पतिरवसृजन्नृपं स्थादग्निर्हविः सूदयाति प्र धीभिः ।
 त्रिधा समक्तं नयतु प्रजानन्देवैभ्यो दैव्यैः शमितोप हव्यम् ॥ २.००३.१०
 घृतं मिमिक्षे घृतमस्य योनिर्घृते श्रितो घृतम्वस्य धाम ।
 अनुष्वधमा वह मादयस्व स्वाहाकृतं वृषभ वक्षि हव्यम् ॥ २.००३.११

हुवे वः सुद्योत्मानं सुवृक्तं विशामग्निमतिथिं सुप्रयसम् ।
 मित्र इव यो दिधिषाय्यो भूहेव आदेव जने जातवेदाः ॥ २.००४.०१
 इमं विधन्तो अपां सधस्थे द्वितादधुर्भृगवो विश्वाय्योः ।
 एष विश्वान्यभ्यस्तु भूमा देवानामग्निररतिर्जिराश्वः ॥ २.००४.०२
 अग्निं देवासो मानुषीषु विक्षु प्रियं धुः क्षेष्यन्तो न मित्रम् ।
 स दीदयदुशतीरूम्या आ दक्षाय्यो यो दास्वते दम आ ॥ २.००४.०३
 अस्य रणवा स्वस्येव पुष्टिः संदृष्टिरस्य हियानस्य दक्षोः ।
 वि यो भरिभ्रदोषधीषु जिह्वामत्यो न रथ्यो दोधवीति वारान् ॥ २.००४.०४
 आ यन्मे अर्भवं वनदः पनन्तोशिग्भ्यो नामिमीत वर्णम् ।
 स चित्रेण चिकित्ते रंसु भासा जुजुवाँ यो मुहुरा युवा भूत् ॥ २.००४.०५
 आ यो वना तातृषाणो न भाति वार्णं पथा रथ्येव स्वानीत् ।
 कृष्णाध्वा तपू रणवञ्चिकेत द्यौरिव स्मयमानो नमोभिः ॥ २.००४.०६
 स यो व्यस्थादभि दक्षदुर्वी पशुर्नैति स्वयुरगोपाः ।
 अग्निः शोचिष्माँ अतसान्युष्णान्कृष्णव्यथिरस्वदयन्न भूम ॥ २.००४.०७
 नू ते पूर्वस्यावसो अधीतौ तृतीये विदथे मन्म शंसि ।
 अस्मे अग्ने संयद्वीरं बृहन्तं क्षुमन्तं वाजं स्वपत्यं रयिं दाः ॥ २.००४.०८
 त्वया यथा गृत्समदासो अग्ने गुहा वन्वन्त उपराँ अभि ष्युः ।
 सुवीरासो अभिमातिषाहः स्मत्सूरिभ्यो गृणते तद्वयो धाः ॥ २.००४.०९

होताजनिष्ट चेतनः पिता पितृभ्य ऊतये ।

प्रयक्षञ्जेन्यं वसु शकेम वाजिनो यमम् ॥ २.००५.०१
 आ यस्मिन्सप्त रश्मयस्तता यज्ञस्य नेतरि ।
 मनुष्वद्वैव्यमष्टमं पोता विश्वं तदिन्वति ॥ २.००५.०२
 दधन्वे वा यदीमनु वोचद्ब्रह्माणि वेरु तत् ।
 परि विश्वानि काव्या नेमिश्चक्रमिवाभवत् ॥ २.००५.०३
 साकं हि शुचिना शुचिः प्रशास्ता क्रतुनाजनि ।
 विद्वाँ अस्य व्रता ध्रुवा वया इवानु रोहते ॥ २.००५.०४
 ता अस्य वर्णमायुवो नेष्टुः सचन्त धेनवः ।
 कुवित्सृभ्य आ वरं स्वसारो या इदं ययुः ॥ २.००५.०५
 यदी मातुरुप स्वसा घृतं भरन्त्यस्थित ।
 तासामध्वर्युरागतौ यवो वृष्टीव मोदते ॥ २.००५.०६
 स्वः स्वाय धायसे कृणुतामृत्विगृत्विजम् ।
 स्तोमं यज्ञं चादरं वनेमा ररिमा वयम् ॥ २.००५.०७
 यथा विद्वाँ अरं करद्विश्चैभ्यो यजतेभ्यः ।
 अयमग्नै त्वे अपि यं यज्ञं चकृमा वयम् ॥ २.००५.०८

इमां मे अग्ने समिधमिमामुपसदं वनेः ।
 इमा उ षु श्रुधी गिरः ॥ २.००६.०१
 अया ते अग्ने विधेमोजो नपादश्चमिष्टे ।
 एना सूक्तेन सुजात ॥ २.००६.०२
 तं त्वा गीभिर्गिर्वणसं द्रविणस्युं द्रविणोदः ।
 सपर्येम सपर्यवः ॥ २.००६.०३
 स बोधि सूरिर्मघवा वसुपते वसुदावन् ।
 युयोध्यश्मद्द्वेषांसि ॥ २.००६.०४
 स नो वृष्टिं दिवस्परि स नो वाजमनर्वाणम् ।
 स नः सहस्रिणीरिषः ॥ २.००६.०५
 ईळानायावस्यवे यविष्ट दूत नो गिरा ।
 यजिष्ठ होतरा गहि ॥ २.००६.०६
 अन्तर्ह्यग्न ईयसे विद्वाञ्जन्मोभया कवे ।
 दूतो जन्येव मित्र्यः ॥ २.००६.०७
 स विद्वाँ आ च पिप्रयो यक्षि चिकित्व आनुषक् ।
 आ चास्मिन्सत्सि बहिषि ॥ २.००६.०८

श्रेष्ठं यविष्ट भारताग्ने दुमन्तमा भर ।
 वसो पुरुस्पृहं रयिम् ॥ २.००७.०१
 मा नो अरातिरीशत देवस्य मर्त्यस्य च ।

पर्षि॑ तस्या॑ उ॒त द्विषः॑ ॥ २.००७.०२
 विश्वा॑ उ॒त त्वया॑ व॒यं धारा॑ उ॒दन्या॑ इव ।
 अति॑ गा॒हेमहि॑ द्विषः॑ ॥ २.००७.०३
 शुचिः॑ पाव॒क व॒न्द्योऽग्ने॑ बृ॒हद्वि॑ रो॒चसे॑ ।
 त्वं घृ॒तेभि॑राहु॒तः ॥ २.००७.०४
 त्वं नो॑ असि॒ भार॒ताग्ने॑ व॒शाभि॑रु॒क्षभिः॑ ।
 अ॒ष्टाप॑दीभि॒राहु॑तः ॥ २.००७.०५
 द्र॒वन्नः॑ स॒र्पिरा॑सु॒तिः प्र॒त्नो होता॑ वरे॒ण्यः ।
 सह॑स॒स्पुत्रो॑ अ॒द्भुतः॑ ॥ २.००७.०६

वा॒ज्रय॑न्नि॒व नू॑ रथान्यो॒गाँ अ॒ग्नेरु॑प॒ स्तुहि॑ ।
 य॒शस्त॑मस्य मी॒ळुषः॑ ॥ २.००८.०१
 यः सु॒नीथो॑ द॒दाशु॑षे॒ऽजुर्यो॑ ज॒रय॑न्न॒रिम् ।
 चारु॑प्रती॒क आ॑हु॒तः ॥ २.००८.०२
 य उ॑ श्रि॒या दमे॑ष्वा॒ दोषो॑षसि॒ प्रश॑स्यते ।
 यस्य॑ व्र॒तं न मी॑यते ॥ २.००८.०३
 आ यः स्व॒र्ष्णं भा॑नुना॒ चित्रो॑ वि॒भात्य॑र्चिषा ।
 अ॒ञ्जानो॑ अ॒जरै॑रभि ॥ २.००८.०४
 अ॒त्रिम॑नु॒ स्वरा॑ज्यम॒ग्निमु॑क्थानि॒ वावृ॑धुः ।
 विश्वा॑ अधि॒ श्रियो॑ दधे ॥ २.००८.०५
 अ॒ग्नेरि॒न्द्रस्य॑ सोम॒स्य दे॒वाना॑मू॒तिभिर्व॑यम् ।
 अरि॑ष्यन्तः स॒चेम॑ह्यभि॒ ष्याम॑ पृ॒तन्य॑तः ॥ २.००८.०६

नि होता॑ हो॒तृष॑दने॒ विदा॑नस्त्वेषो॒ दी॒दिवाँ॑ असदत्सु॒दक्षः॑ ।
 अ॒द॒ब्धव्र॑तप्रमतिर्वसिष्ठः॒ सहस्र॑म्भरः॒ शुचि॑जिह्वो॒ अग्निः॑ ॥ २.००९.०१
 त्वं दू॒तस्त्वमु॑ नः॒ पर॒स्पास्त्वं॑ वस्य॒ आ वृ॑षभ प्रणे॒ता ।
 अग्ने॑ तो॒कस्य॑ न॒स्तने॑ त॒नूना॑मप्रयु॒च्छन्दी॑द्यद्वोधि गो॒पाः ॥ २.००९.०२
 वि॒धेम॑ ते पर॒मे ज॒न्मन्न॑ग्ने॒ विधेम॑ स्तोमै॒रवरे॑ स॒धस्थे॑ ।
 यस्मा॑द्योने॒रुदा॑रि॒था यजे॑ तं प्र॒ त्वे ह॒वीषि॑ जुहुरे॒ समिद्धि॑ ॥ २.००९.०३
 अग्ने॑ यज॒स्व ह॒विषा॑ यजीयाञ्छु॒ष्टी दे॒ष्णम॑भि गृणीहि॒ राधः॑ ।
 त्वं ह्य॑सि॒ रयि॑पती॒ रयी॑णां त्वं शु॒क्रस्य॑ वच॒सो मनो॑ता ॥ २.००९.०४
 उ॒भयं॑ ते न क्षी॒यते॑ वस॒व्यं दि॒वेदि॒वे जा॒यमान॑स्य दस्म ।
 कृ॒धि क्षु॑मन्तं॒ जरि॑तारम॒ग्ने कृ॒धि पति॑ स्व॒पत्य॑स्य॒ रायः॑ ॥ २.००९.०५
 सैना॑नीकेन सु॒विद॑त्रो॒ अस्मे॑ य॒ष्टा दे॒वाँ आय॑जिष्ठः स्व॒स्ति ।
 अ॒द॒ब्धो गो॑पा॒ उ॒त नः॑ पर॒स्पा अग्ने॑ द्यु॒मदु॑त॒ रेव॑द्दिदीहि ॥ २.००९.०६

जोहूत्रो अग्निः प्रथमः पितेवेळस्पदे मनुषा यत्समिद्धः ।
श्रियं वसानो अमृतो विचेता मर्मजेन्यः श्रवस्यः स वाजी ॥ २.०१०.०१
श्रूया अग्निश्चित्रभानुर्हवं मे विश्वाभिर्गीर्भिरमृतो विचेताः ।
श्यावा रथं वहतो रोहिता वोतारुषाहं चक्रे विभृत्रः ॥ २.०१०.०२
उत्तानायामजनयन्सुषूतं भुवदग्निः पुरूपेशासु गर्भः ।
शिरिणायां चिदक्तुना महोभिरपरीवृतो वसति प्रचेताः ॥ २.०१०.०३
जिघर्म्यग्निं हविषा घृतेन प्रतिक्षियन्तं भुवनानि विश्वा ।
पृथुं तिरश्चा वयसा बृहन्तं व्यचिष्टमत्रै रभसं दृशानम् ॥ २.०१०.०४
आ विश्वतः प्रत्यञ्चं जिघर्म्यरक्षसा मनसा तज्जुषेत ।
मर्यश्रीः स्पृहयद्गर्णो अग्निर्नाभिमृशे तन्वाइ जभुराणः ॥ २.०१०.०५
ज्ञेया भगं सहसानो वरेण त्वादूतासो मनुवद्वदेम ।
अनूनमग्निं जुह्वा वचस्या मधुपृचं धनसा जोहवीमि ॥ २.०१०.०६

श्रुधी हवमिन्द्र मा रिषण्यः स्याम ते दावने वसूनाम् ।
इमा हि त्वामूर्जो वर्धयन्ति वसूयवः सिन्धवो न क्षरन्तः ॥ २.०११.०१
सृजो महीरिन्द्र या अपिन्वः परिष्ठिता अहिना शूर पूर्वीः ।
अमर्त्यं चिद्दासं मन्यमानमवाभिनदुक्थैर्वावृधानः ॥ २.०११.०२
उक्थेष्विन्द्र शूर येषु चाकन्स्तोमेष्विन्द्र रुद्रियेषु च ।
तुभ्येदेता यासु मन्दसानः प्र वायवे सिस्रते न शुभ्राः ॥ २.०११.०३
शुभ्रं नु ते शुष्मं वर्धयन्तः शुभ्रं वज्रं बाह्वोर्दधानाः ।
शुभ्रस्त्वमिन्द्र वावृधानो अस्मे दासीर्विशः सूर्येण सह्याः ॥ २.०११.०४
गुहा हितं गुह्यं गुळ्मस्वपीवृतं मायिनं क्षियन्तम् ।
उतो अपो द्यां तस्तम्बांसमहन्नहिं शूर वीर्येण ॥ २.०११.०५
स्तवा नु तं इन्द्र पूर्या महान्युत स्त्वाम नूतना कृतानि ।
स्तवा वज्रं बाह्वोरुशन्तं स्तवा हरी सूर्यस्य केतू ॥ २.०११.०६
हरी नु तं इन्द्र वाजयन्ता घृतश्चुतं स्वारमस्वाष्टाम् ।
वि समना भूमिरप्रथिष्टारस्त पर्वतश्चित्सरिष्यन् ॥ २.०११.०७
नि पर्वतः साद्यप्रयुच्छन्सं मातृभिर्वावशानो अक्रान् ।
दूरे पारे वाणीं वर्धयन्त इन्द्रेषितां धमनिं पप्रथन्नि ॥ २.०११.०८
इन्द्रो महं सिन्धुमाशयानं मायाविनं वृत्रमस्फुरन्निः ।
अरेजेतां रोदसी भियाने कनिक्रदतो वृष्णो अस्य वज्रात् ॥ २.०११.०९
अरोरवीदृष्णो अस्य वज्रोऽमानुषं यन्मानुषो निजूवात् ।
नि मायिनो दानवस्य माया अपादयत्पपिवान्सुतस्य ॥ २.०११.१०
पिवापिबेदिन्द्र शूर सोमं मन्दन्तु त्वा मन्दिनः सुतासः ।
पृणन्तस्ते कुक्षी वर्धयन्त्वित्था सुतः पौर इन्द्रमाव ॥ २.०११.११
त्वे इन्द्राप्यभूम विप्रा धियं वनेम ऋतया सपन्तः ।

अवस्यवो धीमहि प्रशस्तिं सद्यस्ते रायो दावने स्याम ॥ २.०११.१२
 स्याम ते त इन्द्र ये त ऊती अवस्यव ऊर्जा वर्धयन्तः ।
 शुष्मिन्तमं यं चाकनाम देवास्मे रयिं रासि वीरवन्तम् ॥ २.०११.१३
 रासि क्षयं रासि मित्रमस्मे रासि शर्धं इन्द्र मारुतं नः ।
 सजोषसो ये च मन्दसानाः प्र वायवः पान्त्यग्रणीतिम् ॥ २.०११.१४
 व्यन्त्वन्तु येषु मन्दसानस्तृपत्सोमं पाहि ब्रह्मदिन्द्र ।
 अस्मान्सु पृत्स्वा तस्त्रावर्धयो द्यां बृहद्भिरकैः ॥ २.०११.१५
 बृहन्त इन्तु ये ते तरुत्रोक्थेभिर्वा सुम्नमाविवासान् ।
 स्तृणानासो बर्हिः पस्त्यावत्त्वोता इदिन्द्र वाजमग्मन् ॥ २.०११.१६
 उप्रेष्विन्तु शूर मन्दसानस्त्रिकद्रुकेषु पाहि सोममिन्द्र ।
 प्रदोधुवच्छ्रमश्रुषु प्रीणानो याहि हरिभ्यां सुतस्य पीतिम् ॥ २.०११.१७
 धिष्वा शवः शूर येन वृत्रमवाभिन्द्वानुमौर्णवाभम् ।
 अपावृणोज्योतिरार्याय नि संव्यतः सादि दस्युरिन्द्र ॥ २.०११.१८
 सनेम ये त ऊतिभिस्तरन्तो विश्वाः स्पृध आर्येण दस्यून् ।
 अस्मभ्यं तत्त्वाष्ट्रं विश्वरूपमरन्धयः साख्यस्य त्रिताय ॥ २.०११.१९
 अस्य सुवानस्य मन्दिनास्त्रितस्य न्यबुदं वावृधानो अस्तः ।
 अवर्तयत्सूर्यो न चक्रं भिनद्भलमिन्द्रो अङ्गिरस्वान् ॥ २.०११.२०
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०११.२१

यो जात एव प्रथमो मनस्वान्देवो देवान्कतुना पर्यभूषत् ।
 यस्य शुष्माद्रोदसी अभ्यसेतां नृम्णस्य मह्ना स जनास इन्द्रः ॥ २.०१२.०१
 यः पृथिवीं व्यथमानामदृह्यः पर्वतान्प्रकुपितां अरम्णात् ।
 यो अन्तरिक्षं विममे वरीयो यो द्यामस्तभ्नात्स जनास इन्द्रः ॥ २.०१२.०२
 यो हत्वाह्रिमरिणात्सप्त सिन्धून्यो गा उदाजदपधा वलस्य ।
 यो अश्मनोरन्तरगिनं जजान संवृक्समत्सु स जनास इन्द्रः ॥ २.०१२.०३
 येनेमा विश्वा च्यवना कृतानि यो दासं वर्णमधरं गुहाकः ।
 श्वघ्नीव यो जिगीवाल्लक्षमाददर्यः पुष्टानि स जनास इन्द्रः ॥ २.०१२.०४
 यं स्मा पृच्छन्ति कुह सेति घोरमुतेमाहुर्नैषो अस्तीत्येनम् ।
 सो अर्यः पुष्टीर्विज इवा मिनाति श्रदस्मे धत्त स जनास इन्द्रः ॥ २.०१२.०५
 यो रध्रस्य चोदिता यः कृशस्य यो ब्रह्मणो नाधमानस्य कीरेः ।
 युक्तग्राव्णो योऽविता सुशिप्रः सुतसोमस्य स जनास इन्द्रः ॥ २.०१२.०६
 यस्याश्वासः प्रदिशि यस्य गावो यस्य ग्रामा यस्य विश्वे रथासः ।
 यः सूर्यं य उषसं जजान यो अपां नेता स जनास इन्द्रः ॥ २.०१२.०७
 यं क्रन्दसी संयती विह्वयेते परेऽवर उभया अमित्राः ।
 समानं चिद्रथमातस्थिवांसा नाना ह्वेते स जनास इन्द्रः ॥ २.०१२.०८

यस्मान्न ऋते विजयन्ते जनासो यं युध्यमाना अवसे हवन्ते ।
 यो विश्वस्य प्रतिमानं बभूव यो अच्युतच्युत्स जनास इन्द्रः ॥ २.०१२.०९
 यः शश्वतो मद्येनो दधानानमन्यमानाञ्छवां जघान ।
 यः शर्धते नानुददाति शृध्यां यो दस्योर्हन्ता स जनास इन्द्रः ॥ २.०१२.१०
 यः शम्बरं पर्वतेषु क्षियन्तं चत्वारिंश्यां शरद्यन्वविन्दत् ।
 ओजायमानं यो अहिं जघान दानुं शयानं स जनास इन्द्रः ॥ २.०१२.११
 यः सप्तरश्मिवृषभस्तुविष्मानवासृजत्सर्तवे सप्त सिन्धून् ।
 यो रौहिणमस्फुरद्वज्रबाहुर्दामारोहन्तं स जनास इन्द्रः ॥ २.०१२.१२
 द्यावा चिदस्मै पृथिवी नमेते शुष्माच्चिदस्य पर्वता भयन्ते ।
 यः सोमपा निचितो वज्रबाहुर्यो वज्रहस्तः स जनास इन्द्रः ॥ २.०१२.१३
 यः सुन्वन्तमवति यः पचन्तं यः शंसन्तं यः शशमानमूती ।
 यस्य ब्रह्म वर्धनं यस्य सोमो यस्येदं राधः स जनास इन्द्रः ॥ २.०१२.१४
 यः सुन्वते पचते दुध्न आ चिद्वाजं दर्दषि स किलासि सत्यः ।
 वयं तं इन्द्र विश्वहं प्रियासः सुवीरासो विदथमा वदेम ॥ २.०१२.१५

ऋतुर्जनित्री तस्या अपस्परि मक्षू जात आविशद्यासु वर्धते ।
 तदाहना अभवत्पिप्युषी पयोऽशोः पीयूषं प्रथमं तदुक्थ्यम् ॥ २.०१३.०१
 सध्रीमा यन्ति परि बिभ्रतीः पयो विश्वप्न्याय प्र भरन्त भोजनम् ।
 समानो अध्वा प्रवतामनुष्यदे यस्ताकृणोः प्रथमं सास्युक्थ्यः ॥ २.०१३.०२
 अन्वेको वदति यद्ददाति तद्रूपा मिनन्तदपा एक ईयते ।
 विश्वा एकस्य विनुदस्तिक्षते यस्ताकृणोः प्रथमं सास्युक्थ्यः ॥ २.०१३.०३
 प्रजाभ्यः पुष्टिं विभजन्त आसते रयिमिव पुष्टं प्रभवन्तमायते ।
 असिन्वन्दष्टैः पितुरन्ति भोजनं यस्ताकृणोः प्रथमं सास्युक्थ्यः ॥ २.०१३.०४
 अधाकृणोः पृथिवीं संदृशे दिवे यो धौतीनामहिहन्नारिणक्पथः ।
 तं त्वा स्तोमेभिर्दभिर्न वाजिनं देवं देवा अजनन्सास्युक्थ्यः ॥ २.०१३.०५
 यो भोजनं च दयसे च वर्धनमाद्रादा शुष्कं मधुमद्दुदोहिथ ।
 स शेवधिं नि दधिषे विवस्वति विश्वस्यैक ईशिषे सास्युक्थ्यः ॥ २.०१३.०६
 यः पुष्पिणीश्च प्रस्वश्च धर्मणाधि दाने व्यश्वनीरधारयः ।
 यश्चासमा अजनो दिद्युतो दिव उरुस्वां अभितः सास्युक्थ्यः ॥ २.०१३.०७
 यो नामरं सहवसुं निहन्तवे पृक्षाय च दासवेशाय चावहः ।
 ऊर्जयन्त्या अपरिविष्टमास्यमुतैवाद्य पुरुकृत्सास्युक्थ्यः ॥ २.०१३.०८
 शतं वा यस्य दश साकमाद्य एकस्य श्रुष्टौ यद्द चोदमाविथ ।
 अरज्जो दस्यूनसमुनब्दभीतये सुप्राव्यो अभवः सास्युक्थ्यः ॥ २.०१३.०९
 विश्वेदनु रोधना अस्य पौस्यं ददुरस्मै दधिरे कृत्नवे धनम् ।
 षळस्तभ्ना विष्टिरः पञ्च संदृशः परि परो अभवः सास्युक्थ्यः ॥ २.०१३.१०
 सुप्रवाचनं तव वीर वीर्यं यदेकेन क्रतुना विन्दसे वसु ।

जातूष्ठिरस्य प्र वयः सहस्वतो या चकर्थं सेन्द्र विश्वाऽस्युक्थ्यः ॥ २.०१३.११
 अरमयः सरपसस्तराय कं तुर्वीतये च वय्याय च सुतिम् ।
 नीचा सन्तमुदनयः परावृजं प्रान्धं श्रोणं श्रवयन्सास्युक्थ्यः ॥ २.०१३.१२
 अस्मभ्यं तद्वसो दानाय राधः समर्थयस्व बहु ते वसव्यम् ।
 इन्द्र यच्चित्रं श्रवस्या अनु दून्बृहद्वदेम विदथे सुवीराः ॥ २.०१३.१३

अध्वर्यवो भरतेन्द्राय सोममामत्रेभिः सिञ्चता मद्यमन्धः ।
 कामी हि वीरः सदमस्य पीतिं जुहोत वृष्णे तदिदेष वष्टि ॥ २.०१४.०१
 अध्वर्यवो यो अपो वत्रिवांसं वृत्रं जघानाशन्येव वृक्षम् ।
 तस्मा एतं भरत तद्वशायाँ एष इन्द्रो अर्हति पीतिमस्य ॥ २.०१४.०२
 अध्वर्यवो यो दृभीकं जघान यो गा उदाजदप हि वलं वः ।
 तस्मा एतमन्तरिक्षे न वातमिन्द्रं सोमैरोर्णुत जूर्न वस्त्रैः ॥ २.०१४.०३
 अध्वर्यवो य उरणं जघान नव चख्वांसं नवतिं च बाहून् ।
 यो अबुद्धमव नीचा बबाधे तमिन्द्रं सोमस्य भूथे हिनोत ॥ २.०१४.०४
 अध्वर्यवो यः स्वशनं जघान यः शुष्णमशुषं यो व्यसम् ।
 यः पिप्रुं नमुचिं यो रुधिक्रां तस्मा इन्द्रायान्धसो जुहोत ॥ २.०१४.०५
 अध्वर्यवो यः शतं शम्बरस्य पुरो बिभेदाश्मनेव पूर्वीः ।
 यो वर्चिनः शतमिन्द्रः सहस्रमपावपद्भरता सोममस्मै ॥ २.०१४.०६
 अध्वर्यवो यः शतमा सहस्रं भूम्या उपस्थेऽवपज्जघन्वान् ।
 कुत्सस्यायोरतिथिगवस्य वीरान्न्यावृणभरता सोममस्मै ॥ २.०१४.०७
 अध्वर्यवो यन्नरः कामयाध्वे श्रुष्टी वहन्तो नशथा तदिन्द्रे ।
 गर्भस्तिपूतं भरत श्रुतायेन्द्राय सोमं यज्यवो जुहोत ॥ २.०१४.०८
 अध्वर्यवः कर्तना श्रुष्टिमस्मै वने निपूतं वन उन्नयध्वम् ।
 जुषाणो हस्त्यमभि वावशे व इन्द्राय सोमं मदिरं जुहोत ॥ २.०१४.०९
 अध्वर्यवः पयसोध्वर्यथा गोः सोमेभिरीं पृणता भोजमिन्द्रम् ।
 वेदाहमस्य निभृतं म एतद्वित्सन्तं भूयो यजतश्चिकेत ॥ २.०१४.१०
 अध्वर्यवो यो दिव्यस्य वस्वो यः पार्थिवस्य क्षम्यस्य राजा ।
 तमूर्देरं न पृणता यवेनेन्द्रं सोमेभिस्तदपो वो अस्तु ॥ २.०१४.११
 अस्मभ्यं तद्वसो दानाय राधः समर्थयस्व बहु ते वसव्यम् ।
 इन्द्र यच्चित्रं श्रवस्या अनु दून्बृहद्वदेम विदथे सुवीराः ॥ २.०१४.१२

प्र घा न्वस्य महतो महानि सत्या सत्यस्य करणानि वोचम् ।
 त्रिकद्वेष्वपिबत्सुतस्यास्य मदे अहिमिन्द्रो जघान ॥ २.०१५.०१
 अवंशे द्यामस्तभायद्बृहन्तमा रोदसी अपृणदन्तरिक्षम् ।
 स धारयत्पृथिवीं पप्रथच्च सोमस्य ता मद इन्द्रश्चकार ॥ २.०१५.०२
 सन्नेव प्राचो वि मिमाय मानैर्वज्रेण खान्यतृणन्नदीनाम् ।

वृथासृजत्पथिभिर्दीर्घयाथैः सोमस्य ता मद इन्द्रश्चकार ॥ २.०१५.०३
 स प्रवोळ्ळ्वृन्परिगत्या दभीतेर्विश्चमधागायुधमिद्वे अग्नौ ।
 सं गोभिरश्चैरसृजद्रथैभिः सोमस्य ता मद इन्द्रश्चकार ॥ २.०१५.०४
 स ई महीं धुनिमेतोररम्णात्सो अस्नातृनपारयत्स्वस्ति ।
 त उत्सनाय रयिमभि प्र तस्थुः सोमस्य ता मद इन्द्रश्चकार ॥ २.०१५.०५
 सोदञ्च सिन्धुमरिणान्महित्वा वज्रेणान उषसः सं पिपेष ।
 अजवसो जविनीभिर्विश्चन्सोमस्य ता मद इन्द्रश्चकार ॥ २.०१५.०६
 स विद्वा अपगोहं कनीनामाविर्भवन्नुदतिष्ठत्परावृक् ।
 प्रति श्रोणः स्थाद्वाग्मगचष्ट सोमस्य ता मद इन्द्रश्चकार ॥ २.०१५.०७
 भिनद्वलमङ्गिरोभिर्गणानो वि पर्वतस्य दंहितान्यैरत् ।
 रिणग्रोधासि कृत्रिमाण्येषां सोमस्य ता मद इन्द्रश्चकार ॥ २.०१५.०८
 स्वप्नेनाभ्युप्या चुमुरि धुनिं च जघन्थ दस्युं प्र दभीतिमावः ।
 रम्भी चिदत्र विविदे हिरण्यं सोमस्य ता मद इन्द्रश्चकार ॥ २.०१५.०९
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०१५.१०

प्र वः सतां ज्येष्ठतमाय सुष्टुतिमग्नाविव समिधाने हविर्भरे ।
 इन्द्रमजुयं जरयन्तमुक्षितं सनाद्युवानमवसे हवामहे ॥ २.०१६.०१
 यस्मादिन्द्राद्बृहतः किं चनेमृते विश्वान्यस्मिन्सम्भृताधि वीर्या ।
 जठरे सोमं तन्वीइ सहो महो हस्ते वज्रं भरति शीर्षणि क्रतुम् ॥ २.०१६.०२
 न क्षोणीभ्यां परिभ्वे त इन्द्रियं न समुद्रेः पर्वतरिन्द्र ते रथः ।
 न ते वज्रमन्वशनोति कश्चन यदाशुभिः पतसि योजना पुरु ॥ २.०१६.०३
 विश्वे ह्यस्मै यजताय धृष्णवे क्रतुं भरन्ति वृषभाय सञ्चते ।
 वृषा यजस्व हविषा विदुष्टरः पिबेन्द्र सोमं वृषभेण भानुना ॥ २.०१६.०४
 वृष्णः कोशः पवते मध्वं ऊर्मिवृषभान्नाय वृषभाय पातवे ।
 वृषणाध्वर्यु वृषभासो अद्रयो वृषणं सोमं वृषभाय सुष्वति ॥ २.०१६.०५
 वृषा ते वज्रं उत ते वृषा रथो वृषणा हरी वृषभाण्यायुधा ।
 वृष्णो मदस्य वृषभ त्वमीशिष इन्द्र सोमस्य वृषभस्य तृष्णुहि ॥ २.०१६.०६
 प्र ते नावं न समने वचस्युवं ब्रह्मणा यामि सवनेषु दाधृषिः ।
 कुविन्नो अस्य वचसो निबोधिषदिन्द्रमुत्सं न वसुनः सिचामहे ॥ २.०१६.०७
 पुरा सम्बाधादभ्या ववृत्स्व नो धेनुर्न वत्सं यवसस्य पिप्युषी ।
 सकृत्सु ते सुमतिभिः शतक्रतो सं पत्नीभिर्न वृषणो नसीमहि ॥ २.०१६.०८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०१६.०९

तदस्मै नव्यमङ्गिरस्वदर्चत शुष्मा यदस्य प्रत्नथोदीरते ।

विश्वा यद्गोत्रा सहसा परीवृता मदे सोमस्य दृहितान्यैरयत् ॥ २.०१७.०१
 स भूतु यो ह प्रथमाय धायस ओजो मिमानो महिमानमातिरत् ।
 शूरो यो युत्सु तन्वं परिव्यत शीर्षणि द्यां महिना प्रत्यमुञ्चत ॥ २.०१७.०२
 अधाकृणोः प्रथमं वीर्यं महद्यदस्याग्रे ब्रह्मणा शुष्मैरयः ।
 रथेष्टेन हर्यश्चेन विच्युताः प्र जीरयः सिस्रते सध्र्यक्पृथक् ॥ २.०१७.०३
 अधा यो विश्वा भुवनाभि मज्जनेशानकृत्प्रवया अभ्यवर्धत ।
 आद्रोदसी ज्योतिषा वह्निरातनोत्सीव्यन्तमांसि दुधिता समव्ययत् ॥ २.०१७.०४
 स प्राचीनान्पर्वतान्दृहदोजसाधराचीनमकृणोदपामपः ।
 अधारयत्पृथिवीं विश्वधायसमस्तभनान्मायया द्यामवस्रसः ॥ २.०१७.०५
 सास्मा अरं बहुभ्यां यं पिताकृणोद्विश्वस्मादा जनुषो वेदसस्परि ।
 येना पृथिव्यां नि क्रिविं शयध्यै वज्रेण हृत्व्यवृणक्तुविष्वणिः ॥ २.०१७.०६
 अमाजूरिव पित्रोः सचा सती समानादा सदसस्त्वामिये भगम् ।
 कृधि प्रकृतमुप मास्या भरं दद्धि भागं तन्वोऽ येन मामहः ॥ २.०१७.०७
 भोजं त्वामिन्द्र वयं हुवेम ददिष्टवमिन्द्रापांसि वाजान् ।
 अविड्ढीन्द्र चित्रया न ऊती कृधि वृषन्निन्द्र वस्यसो नः ॥ २.०१७.०८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०१७.०९

प्राता रथो नवो योजि सस्निश्चतुर्युगस्त्रिकशः सप्तरश्मिः ।
 दशारित्रो मनुष्यः स्वर्षाः स इष्टिभिर्मतिभी रंह्यो भूत् ॥ २.०१८.०१
 सास्मा अरं प्रथमं स द्वितीयमुतो तृतीयं मनुषः स होता ।
 अन्यस्या गर्भमन्य ऊं जनन्त सो अन्येभिः सचते जेन्यो वृषा ॥ २.०१८.०२
 हरी नु कं रथ इन्द्रस्य योजमायै सूक्तेन वचसा नवेन ।
 मो षु त्वामत्रं बहवो हि विप्रा नि रीरमन्यजमानासो अन्ये ॥ २.०१८.०३
 आ द्वाभ्यां हरिभ्यामिन्द्र याह्या चतुभिरा षड्भर्ह्यमानः ।
 आष्टाभिर्दशभिः सोमपेयमयं सुतः सुमख मा मृधस्कः ॥ २.०१८.०४
 आ विंशत्या त्रिंशता याह्यर्वाडा चत्वारिंशता हरिभिर्युजानः ।
 आ पञ्चाशता सुरथेभिरिन्द्रा षष्ठ्या सप्तत्या सोमपेयम् ॥ २.०१८.०५
 आशीत्या नवत्या याह्यर्वाडा शतेन हरिभिरुह्यमानः ।
 अयं हि ते शुनहोत्रेषु सोम इन्द्र त्वाया परिषिक्तो मदाय ॥ २.०१८.०६
 मम ब्रह्मेन्द्र याह्यच्छा विश्वा हरी धुरि धिष्वा रथस्य ।
 पुरुत्रा हि विहव्यो बभूथास्मिञ्छूर सवने मादयस्व ॥ २.०१८.०७
 न म इन्द्रेण सख्यं वि योषदस्मभ्यमस्य दक्षिणा दुहीत ।
 उप ज्येष्ठे वरुथे गभस्तौ प्रायेप्राये जिगीवांसः स्याम ॥ २.०१८.०८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०१८.०९

अपाय्यस्यान्धसो मदाय मनीषिणः सुवानस्य प्रयासः ।
 यस्मिन्निन्द्रः प्रदिवि वावृधान ओको दधे ब्रह्मण्यन्तश्च नरः ॥ २.०१९.०१
 अस्य मन्दानो मध्वो वज्रहस्तोऽहिमिन्द्रो अणोवृतं वि वृश्चत् ।
 प्र यद्वयो न स्वसराण्यच्छा प्रयांसि च नदीनां चक्रमन्त ॥ २.०१९.०२
 स माहिन इन्द्रो अणो अपां प्रैरयदहिहाच्छा समुद्रम् ।
 अजनयत्सूर्यं विदग्धा अक्तुनाह्ना वयुनानि साधत् ॥ २.०१९.०३
 सो अप्रतीनि मनवे पुरूणीन्द्रो दाशद्वाशुषे हन्ति वृत्रम् ।
 सद्यो यो नृभ्यो अतसाय्यो भूत्पस्पृधानेभ्यः सूर्यस्य सातौ ॥ २.०१९.०४
 स सुन्वत इन्द्रः सूर्यमा देवो रिणद्वात्याय स्त्वान् ।
 आ यद्रयिं गुहदवद्यमस्मै भरदंशं नैतशो दशस्यन् ॥ २.०१९.०५
 स रन्धयत्सदिवः सारथये शुष्णमशुषं कुर्यव कुत्साय ।
 दिवोदासाय नवतिं च नवेन्द्रः पुरो व्यैरच्छम्बरस्य ॥ २.०१९.०६
 एवा तं इन्द्रोचथमहेम श्रवस्या न त्मना वाजयन्तः ।
 अश्याम तत्साप्तमाशुषाणा ननमो वधरदेवस्य पीयोः ॥ २.०१९.०७
 एवा ते गृत्समदाः शूर मन्मावस्यवो न वयुनानि तक्षुः ।
 ब्रह्मण्यन्तं इन्द्र ते नवीय इषमूर्जं सुक्षितिं सुम्नमश्रुः ॥ २.०१९.०८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०१९.०९

वयं ते वयं इन्द्र विद्धि षु णः प्र भरामहे वाजयुर्न रथम् ।
 विपन्यवो दीध्यतो मनीषा सुम्नमियक्षन्तस्त्वावतो नृन् ॥ २.०२०.०१
 त्वं न इन्द्र त्वाभिस्ती त्वायतो अभिष्टिपासि जनान् ।
 त्वमिनो दाशुषो वस्तेत्थाधीरभि यो नक्षति त्वा ॥ २.०२०.०२
 स नो युवेन्द्रो जोहूत्रः सखा शिवो नरामस्तु पाता ।
 यः शंसन्तं यः शशमानमूती पचन्तं च स्तुवन्तं च प्रणेषत् ॥ २.०२०.०३
 तमु स्तुष इन्द्रं तं गृणीषे यस्मिन्पुरा वावृधुः शाशुदुश्च ।
 स वस्वः कामं पीपरदियानो ब्रह्मण्यतो नूतनस्यायोः ॥ २.०२०.०४
 सो अङ्गिरसामुचथा जुजुष्वान्ब्रह्मा तूतोदिन्द्रो गातुमिष्णन् ।
 मुष्णन्नुषसः सूर्येण स्त्वानश्नस्य चिच्छिश्नथत्पूर्व्याणि ॥ २.०२०.०५
 स हं श्रुत इन्द्रो नाम देव ऊर्ध्वो भुवन्मनुषे दस्मतमः ।
 अव प्रियमर्शसानस्य साह्वाञ्छिरो भरद्वासस्य स्वधावान् ॥ २.०२०.०६
 स वृत्रहेन्द्रः कृष्णयोनीः पुरंदरो दासीरैरयद्वि ।
 अजनयन्मनवे क्षामपञ्च सत्रा शंसं यजमानस्य तूतोत् ॥ २.०२०.०७
 तस्मै तवस्यमनु दायि सत्रेन्द्राय देवेभिरर्णसातौ ।
 प्रति यदस्य वज्रं बाह्वोर्धुहृत्वी दस्युन्पुर आयसीर्नि तारीत् ॥ २.०२०.०८

नूनं सा ते प्रति वरं जरित्रे दुहीयदिन्द्रं दक्षिणा मघोनी ।
शिक्षा स्तोतृभ्यो माति धग्भगो नो बृहद्वदेम विदथे सुवीराः ॥ २.०२०.०९

विश्वजिते धनजिते स्वर्जिते सत्राजिते नृजित उर्वराजिते ।
अश्वजिते गोजिते अब्जिते भरेन्द्राय सोमं यजताय हर्यतम् ॥ २.०२१.०१
अभिभुवेऽभिभङ्गाय वन्वतेऽषाळ्हाय सहमानाय वेधसे ।
तुविग्रये वह्नये दुष्टरीतवे सत्रासाहे नम इन्द्राय वोचत ॥ २.०२१.०२
सत्रासाहो जनभक्षो जनसहस्र्यवनो युध्मो अनु जोषमुक्षितः ।
वृत्तचयः सहुरिर्विक्वारित इन्द्रस्य वोचं प्र कृतानि वीर्या ॥ २.०२१.०३
अनानुदो वृषभो दोधतो वधो गम्भीर ऋष्वो असमष्टकाव्यः ।
रभ्रचोदः शनथनो वीळितस्पृथुरिन्द्रः सुयज्ञ उषसः स्वर्जनत् ॥ २.०२१.०४
यज्ञेन गातुमप्तुरो विविद्रिरे धियो हिन्वाना उशिजो मनीषिणः ।
अभिस्वरा निषदा गा अवस्यव इन्द्रे हिन्वाना द्रविणान्याशत ॥ २.०२१.०५
इन्द्र श्रेष्ठानि द्रविणानि धेहि चित्तिं दक्षस्य सुभगत्वमस्मे ।
पोषं रयीणामरिष्टिं तनूनां स्वादानं वाचः सुदिनत्वमहाम् ॥ २.०२१.०६

त्रिकट्टकेषु महिषो यवाशिरं तुविशुष्मस्तृप्तसोममपिबद्विष्णुना सुतं यथावशत् ।
स ई ममाद महि कर्म कर्तवे महामुरुं सैनं सश्वदेवो देवं सत्यमिन्द्रं सत्य इन्दुः ॥ २.०२२.०१
अध त्विषीमाँ अभ्योजसा क्रिविं युधाभवदा रोदसी अपृणदस्य मज्मना प्र वावृधे ।
अधत्तान्यं जठरे प्रेमरिच्यत सैनं सश्वदेवो देवं सत्यमिन्द्रं सत्य इन्दुः ॥ २.०२२.०२
साकं जातः क्रतुना साकमोजसा ववक्षिथ साकं वृद्धो वीर्यैः सासहिर्मृधो विचर्षणिः ।
दाता राधः स्तुवते काम्यं वसु सैनं सश्वदेवो देवं सत्यमिन्द्रं सत्य इन्दुः ॥ २.०२२.०३
तव त्यन्नयं नृतोऽप इन्द्र प्रथमं पूर्यं दिवि प्रवाच्यं कृतम् ।
यद्देवस्य शवसा प्रारिणा असुं रिणन्नपः ।
भुवद्विश्वमभ्यादेवमोजसा विदादूर्जं शतक्रतुर्विदादिषम् ॥ २.०२२.०४

गणानां त्वा गणपतिं हवामहे कविं कवीनामुपमश्रवस्तमम् ।
ज्येष्ठराजं ब्रह्मणां ब्रह्मणस्पत आ नः शृण्वन्नूतिभिः सीद सादनम् ॥ २.०२३.०१
देवाश्चित्ते असुर्यं प्रचेतसो बृहस्पते यज्ञियं भागमानशुः ।
उस्रा इव सूर्यो ज्योतिषा महो विश्वेषामिज्जनिता ब्रह्मणामसि ॥ २.०२३.०२
आ विबाध्या परिरापस्तमांसि च ज्योतिष्मन्तं रथमृतस्य तिष्ठसि ।
बृहस्पते भीममिन्द्रम्भनं रक्षोहणं गोत्रभिदं स्वर्विदम् ॥ २.०२३.०३
सुनीतिभिर्नयसि त्रायसे जनं यस्तुभ्यं दाशान्न तमंहो अशनवत् ।
ब्रह्मद्विषस्तपनो मन्युमीरसि बृहस्पते महि तत्ते महित्वनम् ॥ २.०२३.०४
न तमंहो न दुरितं कुतश्चन नारातयस्तितिर्न द्वयाविनः ।
विश्वा इदस्माद्वरसो वि बाधसे यं सुगोपा रक्षसि ब्रह्मणस्पते ॥ २.०२३.०५

त्वं नो गोपाः पथिकृद्विचक्षणस्तव व्रताय मतिभिर्जरामहे ।
 बृहस्पते यो नो अभि ह्वरो दधे स्वा तं मर्मर्तु दुच्छुना हरस्वती ॥ २.०२३.०६
 उत वा यो नो मर्चयादनागसोऽरातीवा मर्तः सानुको वृकः ।
 बृहस्पते अप तं वर्तया पथः सुगं नो अस्यै देववीतये कृधि ॥ २.०२३.०७
 त्रातारं त्वा तनूनां हवामहेऽवस्पतरधिवक्तारमस्मयुम् ।
 बृहस्पते देवनिदो नि बर्हय मा दुरेवा उत्तरं सुम्नमुन्नशन् ॥ २.०२३.०८
 त्वया वयं सुवृधां ब्रह्मणस्पते स्पार्हा वसु मनुष्या ददीमहि ।
 या नो दुरे तळितो या अरातयोऽभि सन्ति जम्भया ता अनप्नसः ॥ २.०२३.०९
 त्वया वयमुत्तमं धीमहे वयो बृहस्पते पप्रिणा सस्निना युजा ।
 मा नो दुःशंसो अभिदिप्सुरीशत प्र सुशंसा मतिभिस्तारिषीमहि ॥ २.०२३.१०
 अनानुदो वृषभो जगिमराह्वं निष्टप्ता शत्रुं पृतनासु सासहिः ।
 असि सत्य ऋणया ब्रह्मणस्पत उग्रस्य चिद्वमिता वीळुहर्षिणः ॥ २.०२३.११
 अदेवेन मनसा यो रिषण्यति शासामुग्रो मन्यमानो जिघांसति ।
 बृहस्पते मा प्रणक्तस्य नो वधो नि कर्म मन्युं दुरेवस्य शर्धतः ॥ २.०२३.१२
 भरेषु हव्यो नमसोपसद्यो गन्ता वाजेषु सनिता धनंधनम् ।
 विश्वा इदर्यो अभिदिप्सोः मृधो बृहस्पतिर्वि ववर्हा रथा इव ॥ २.०२३.१३
 तेजिष्ठया तपनी रक्षसस्तप ये त्वा निदे दीधिरे दृष्टवीर्यम् ।
 आविस्तत्कृष्व यदसत्त उक्थ्यं बृहस्पते वि परिरापो अर्दय ॥ २.०२३.१४
 बृहस्पते अति यदर्यो अर्हाद्दुमद्विभाति क्रतुमज्जनेषु ।
 यद्दीदयच्छ्वस ऋतप्रजात तदस्मासु द्रविणं धेहि चित्रम् ॥ २.०२३.१५
 मा नः स्तेनेभ्यो ये अभि बृहस्पदे निरामिणो रिपवोऽन्नेषु जागृधुः ।
 आ देवानामोहते वि व्रयो हृदि बृहस्पते न परः साम्नो विदुः ॥ २.०२३.१६
 विश्वेभ्यो हि त्वा भुवनेभ्यस्परि त्वष्टाजनत्साम्नःसाम्नः कविः ।
 स ऋणचिदृणया ब्रह्मणस्पतिर्दुहो हन्ता मह ऋतस्य धर्तरि ॥ २.०२३.१७
 तव श्रिये व्यजिहीत पर्वतो गवां गोत्रमुदसृजो यदङ्गिरः ।
 इन्द्रेण युजा तमसा परीवृतं बृहस्पते निरपामौब्जो अर्णवम् ॥ २.०२३.१८
 ब्रह्मणस्पते त्वमस्य यन्ता सूक्तस्य बोधि तनयं च जिन्व ।
 विश्वं तद्भ्रं यदवन्ति देवा बृहद्वदम विदथे सुवीराः ॥ २.०२३.१९

सेमामविडिढ प्रभृतिं य ईशिषेऽया विधेम नवया महा गिरा ।
 यथा नो मीढवान्स्तवते सखा तव बृहस्पते सीषधः सोत नो मतिम् ॥ २.०२४.०१
 यो नन्वान्यनमन्नयोजसोताददमन्युना शम्बराणि वि ।
 प्राच्यावयदच्युता ब्रह्मणस्पतिरा चाविशद्वसुमन्तं वि पर्वतम् ॥ २.०२४.०२
 तद्देवानां देवतमाय कर्त्वमश्रथन्द्वाहाव्रदन्त वीळिता ।
 उद्गा आजदभिन्दब्रह्मणा वलमगृहत्तमो व्यचक्षयत्स्वः ॥ २.०२४.०३
 अश्मास्यमवतं ब्रह्मणस्पतिर्मधुधारमभि यमोजसातृणत् ।

तमेव विश्वे पपिरे स्वर्दृशो बहु साकं सिसिचुरुत्समुद्रिणम् ॥ २.०२४.०४
 सना ता का चिद्भुवना भवीत्वा माद्भिः शरद्भिर्दुरो वरन्त वः ।
 अयतन्ता चरतो अन्यदन्यदिद्या चकार व्युना ब्रह्मणस्पतिः ॥ २.०२४.०५
 अभिनक्षन्तो अभि ये तमानशुर्निधिं पणीनां परमं गुहा हितम् ।
 ते विद्वांसः प्रतिचक्ष्यानृता पुनर्यत उ आयन्तदुदीयुराविशम् ॥ २.०२४.०६
 ऋतावानः प्रतिचक्ष्यानृता पुनरात आ तस्थुः क्वयो महस्पथः ।
 ते बाहुभ्यां धमितमग्निमश्मनि नकिः षो अस्त्यरणो जहुर्हि तम् ॥ २.०२४.०७
 ऋतज्येन क्षिप्रेण ब्रह्मणस्पतिर्यत्र वष्टि प्र तदशनोति धन्वना ।
 तस्य साध्वीरिषवो याभिरस्यति नृचक्षसो दृशये कर्णयोनयः ॥ २.०२४.०८
 स संनयः स विनयः पुरोहितः स सुष्टुतः स युधि ब्रह्मणस्पतिः ।
 चाक्ष्मो यद्वाजं भरते मती धनादित्सूर्यस्तपति तप्यतुर्वथा ॥ २.०२४.०९
 विभु प्रभु प्रथमं मेहनावतो बृहस्पतेः सुविदत्राणि राध्या ।
 इमा सातानि वेन्यस्य वाजिनो येन जना उभये भुञ्जते विशः ॥ २.०२४.१०
 योऽवरै वृजने विश्वथा विभुर्महामु रणवः शवसा ववक्षिथ ।
 स देवो देवान्प्रति पप्रथे पृथु विश्वेदु ता परिभूर्ब्रह्मणस्पतिः ॥ २.०२४.११
 विश्वं सत्यं मधवाना युवोरिदापश्चन प्र मिनन्ति व्रतं वाम् ।
 अच्छेन्द्राब्रह्मणस्पती हविर्नोऽन्नं युजेव वाजिना जिगातम् ॥ २.०२४.१२
 उताशिष्टा अनु शृण्वन्ति वह्नयः सभेयो विप्रो भरते मती धना ।
 वीळ्ळेद्वेषा अनु वश ऋणमाददिः स ह वाजी समिथे ब्रह्मणस्पतिः ॥ २.०२४.१३
 ब्रह्मणस्पतेरभवद्यथावशं सत्यो मन्युर्महि कर्मा करिष्यतः ।
 यो गा उदाजत्स दिवे वि चाभजन्महीव रीतिः शवसासरत्पृथक् ॥ २.०२४.१४
 ब्रह्मणस्पते सुयमस्य विश्वहा रायः स्याम रथ्योऽ वयस्वतः ।
 वीरेषु वीरा उप पृडिध नस्त्वं यदीशानो ब्रह्मणा वेषि मे हवम् ॥ २.०२४.१५
 ब्रह्मणस्पते त्वमस्य यन्ता सूक्तस्य बोधि तनयं च जिन्व ।
 विश्वं तद्भ्रं यदवन्ति देवा बृहद्वदेम विदथे सुवीराः ॥ २.०२४.१६

इन्धानो अग्निं वनवद्वनुष्यतः कृतब्रह्मा शूशुवद्रातहव्य इत् ।
 जातेन जातमति स प्र संसृते ययं युजं कृणुते ब्रह्मणस्पतिः ॥ २.०२५.०१
 वीरेभिर्वीरान्वनवद्वनुष्यतो गोभी रयं पप्रथद्वोधति त्मना ।
 तोकं च तस्य तनयं च वर्धते ययं युजं कृणुते ब्रह्मणस्पतिः ॥ २.०२५.०२
 सिन्धुर्न क्षोदः शिमीवाँ ऋघायतो वृषेव वध्रौरभि वष्ट्योजसा ।
 अग्नेरिव प्रसितिर्नाह वर्तवे ययं युजं कृणुते ब्रह्मणस्पतिः ॥ २.०२५.०३
 तस्मा अर्षन्ति दिव्या असश्चतः स सत्त्वाभिः प्रथमो गोषु गच्छति ।
 अनिभृष्टतविषिर्हन्त्योजसा ययं युजं कृणुते ब्रह्मणस्पतिः ॥ २.०२५.०४
 तस्मा इद्विश्वे धुनयन्त सिन्धवोऽच्छिद्रा शर्म दधिरे पुरुणि ।
 देवाना सुम्ने सुभगः स एधते ययं युजं कृणुते ब्रह्मणस्पतिः ॥ २.०२५.०५

ऋजुरिच्छंसो वनवद्वनुष्यतो देवयन्निददेवयन्तमभ्यसत् ।
 सुप्रावीरिद्वनवत्पृत्सु दुष्टरं यज्वेदयज्योर्वि भजाति भोजनम् ॥ २.०२६.०१
 यजस्व वीर प्र विहि मनायतो भद्रं मनः कृणुष्व वृत्रतूर्यै ।
 हविष्कृणुष्व सुभगो यथाससि ब्रह्मणस्पतेरव आ वृणीमहे ॥ २.०२६.०२
 स इज्जनेन स विशा स जन्मना स पुत्रैर्वाजं भरते धना नृभिः ।
 देवानां यः पितरमाविवासति श्रद्धामना हविषा ब्रह्मणस्पतिम् ॥ २.०२६.०३
 यो अस्मै हव्यैर्धृतवाद्भिरविधत्प्र तं प्राचा नयति ब्रह्मणस्पतिः ।
 उरुष्यतीमंहसो रक्षती रिषोऽहोश्चिदस्मा उरुचक्रिरद्भुतः ॥ २.०२६.०४

इमा गिर आदित्येभ्यो घृतस्नूः सनाद्राजभ्यो जुह्वा जुहोमि ।
 शृणोतु मित्रो अर्यमा भगो नस्तुविजातो वरुणो दक्षो अंशः ॥ २.०२७.०१
 इमं स्तोमं सक्रतवो मे अद्य मित्रो अर्यमा वरुणो जुषन्त ।
 आदित्यासः शुचयो धारपूता अवृजिना अनवद्या अरिष्टाः ॥ २.०२७.०२
 त आदित्यास उरवो गभीरा अदब्धासो दिप्सन्तो भूर्यक्षाः ।
 अन्तः पश्यन्ति वृजिनोत साधु सर्व राजभ्यः परमा चिदन्ति ॥ २.०२७.०३
 धारयन्त आदित्यासो जगत्स्था देवा विश्वस्य भुवनस्य गोपाः ।
 दीर्घाधियो रक्षमाणा असुर्यमृतावानश्चयमाना ऋणानि ॥ २.०२७.०४
 विद्यामादित्या अवसो वो अस्य यदर्यमन्भय आ चिन्मयोभु ।
 युष्माकं मित्रावरुणा प्रणीतौ परि श्वभ्रेव दुरितानि वृज्याम् ॥ २.०२७.०५
 सुगो हि वो अर्यमन्मित्र पन्था अनृक्षरो वरुण साधुरस्ति ।
 तेनादित्या अधि वोचता नो यच्छता नो दुष्परिहन्तु शर्म ॥ २.०२७.०६
 पिपर्तु नो अदिती राजपुत्राति द्वेषास्यर्यमा सुगेभिः ।
 बृहन्मित्रस्य वरुणस्य शर्मोप स्याम पुरुवीरा अरिष्टाः ॥ २.०२७.०७
 तिस्रो भूमीर्धारयन्त्रोस्त दून्त्रीणि व्रता विदथे अन्तरेषाम् ।
 ऋतेनादित्या महि वो महित्वं तदर्यमन्वरुण मित्र चारु ॥ २.०२७.०८
 त्री रोचना दिव्या धारयन्त हिरण्ययाः शुचयो धारपूताः ।
 अस्वप्नजो अनिमिषा अदब्धा उरुशसा ऋजवे मर्त्याय ॥ २.०२७.०९
 त्वं विश्वेषां वरुणासि राजा ये च देवा असुर ये च मर्ताः ।
 शतं नो रास्व शरदो विचक्षेऽश्यामायूषि सुधितानि पूर्वा ॥ २.०२७.१०
 न दक्षिणा वि चिकिते न सव्या न प्राचीनमादित्या नोत पश्चा ।
 पाक्या चिद्वसवो धीर्या चिद्वृष्मानीतो अभयं ज्योतिरश्याम् ॥ २.०२७.११
 यो राजभ्य ऋतनिभ्यो ददाश यं वर्धयन्ति पुष्टयश्च नित्याः ।
 स रेवान्याति प्रथमो रथेन वसुदावा विदथेषु प्रशस्तः ॥ २.०२७.१२
 शुचिरपः सूयवसा अदब्ध उप क्षेति वृद्धवयाः सुवीरः ।
 नकिष्ट घ्नन्त्यन्तितो न दूराद्य आदित्यानां भवति प्रणीतौ ॥ २.०२७.१३

अदिते मित्र वरुणोत मृळ यद्वो वयं चकृमा कच्चिदागः ।
 उर्वश्यामभयं ज्योतिरिन्द्र मा नो दीर्घा अभि नशन्तमिस्राः ॥ २.०२७.१४
 उभे अस्मै पीपयतः समीची दिवो वृष्टिं सुभगो नाम पुष्यन् ।
 उभा क्षयावाजयन्त्याति पृत्सूभावधौ भवतः साधू अस्मै ॥ २.०२७.१५
 या वो माया अभिद्भुहे यजत्राः पाशा आदित्या रिपवे विचृत्ताः ।
 अश्वीव तां अति येष रथेनारिष्टा उरावा शर्मन्स्याम ॥ २.०२७.१६
 माहं मघोनो वरुण प्रियस्य भूरिदाब्ज आ विदं शूनमापेः ।
 मा रायो राजन्सुयमादव स्थां बृहद्वदेम विदथे सुवीराः ॥ २.०२७.१७

इदं क्वेरादित्यस्य स्वराजो विश्वानि सान्त्यभ्यस्तु मृहा ।
 अति यो मन्द्रो यजथाय देवः सुकीर्तिं भिक्षे वरुणस्य भूरेः ॥ २.०२८.०१
 तव व्रते सुभगासः स्याम स्वाध्यो वरुण तुष्टुवासः ।
 उपायन उषसां गोमतीनामग्नयो न जरमाणा अनु दून् ॥ २.०२८.०२
 तव स्याम पुस्वीरस्य शर्मन्नुशंसस्य वरुण प्रणेतः ।
 यूयं नः पुत्रा अदितेरदब्धा अभि क्षमध्वं युज्याय देवाः ॥ २.०२८.०३
 प्र सीमादित्यो असृजद्विधतां ऋतं सिन्धवो वरुणस्य यन्ति ।
 न श्राम्यन्ति न वि मुचन्त्येते वयो न पप्तू रघुया परिज्मन् ॥ २.०२८.०४
 वि मच्छथाय रशनामिवागं ऋध्याम ते वरुण खामृतस्य ।
 मा तन्तुश्छेदि वयतो धियं मे मा मात्रा शार्यपसः पुर ऋतोः ॥ २.०२८.०५
 अपो सु म्यक्ष वरुण भियसं मत्सम्राळृतावोऽनु मा गृभाय ।
 दामेव वत्साद्वि मुमुग्ध्यहो नहि त्वदारे निमिषश्चनेशे ॥ २.०२८.०६
 मा नो वधैर्वरुण ये त इष्टावेनः कृण्वन्तमसुर भ्रीणन्ति ।
 मा ज्योतिषः प्रवसथानि गन्म वि षू मृधः शिश्रथो जीवसे नः ॥ २.०२८.०७
 नमः पुरा ते वरुणोत नूनमुतापरं तुविजात ब्रवाम ।
 त्वे हि कं पर्वते न श्रितान्यप्रच्युतानि दूळभ व्रतानि ॥ २.०२८.०८
 परं ऋणा सावीरध मत्कृतानि माहं राजन्नन्यकृतेन भोजम् ।
 अव्युष्टा इन्नु भूयसीरुषास आ नो जीवान्वरुण तासु शाधि ॥ २.०२८.०९
 यो मे राजन्युज्यो वा सखा वा स्वप्ने भयं भीरवे मह्यमाह ।
 स्तेनो वा यो दिप्सति नो वृको वा त्वं तस्माद्वरुण पाह्यस्मान् ॥ २.०२८.१०
 माहं मघोनो वरुण प्रियस्य भूरिदाब्ज आ विदं शूनमापेः ।
 मा रायो राजन्सुयमादव स्थां बृहद्वदेम विदथे सुवीराः ॥ २.०२८.११

धृतव्रता आदित्या इषिरा आरे मत्कर्तं रहसूरिवागः ।
 शृण्वतो वो वरुण मित्र देवा भद्रस्य विद्वां अवसे हुवे वः ॥ २.०२९.०१
 यूयं देवाः प्रमतिर्युयमोजो यूयं द्वेषांसि सनुतर्युयोत ।
 अभिक्षतारो अभि च क्षमध्वमद्या च नो मृळयतापरं च ॥ २.०२९.०२

किम् नु वः कृणवा॒मापरेण॑ किं सने॑न वसव॑ आप्ये॑न ।
 यूयं॑ नो॑ मित्रावरुणा॑दिते च स्व॑स्तिमिन्द्रा॑मरुतो दधात ॥ २.०२९.०३
 ह्ये दे॒वा यूयमिदा॑पयः॑ स्थ॒ ते मृळ॑त नाध॑मानाय॒ मह्य॑म् ।
 मा वो॑ रथो॑ मध्य॑मवाळुते भू॒न्मा युष्माव॑त्स्वा॒पिषु॑ श्रमिष्म ॥ २.०२९.०४
 प्र व॑ एको॑ मिमय॒ भूर्या॑गो यन्मा॑ पितेव॑ कित॒वं शशा॑स ।
 आ॒रे पाशा॑ आ॒रे अ॒घानि॑ दे॒वा मा माधि॑ पु॒त्रे विमि॑व ग्रभीष्ट ॥ २.०२९.०५
 अ॒र्वाञ्चो॑ अद्या॒ भव॑ता यजत्रा॑ आ वो॒ हार्दि॑ भय॑मानो व्ययेयम् ।
 त्राध्वं॑ नो दे॒वा नि॒जुरो॑ वृ॒कस्य॑ त्राध्वं॑ क॒र्तादे॒वपदो॑ यजत्राः ॥ २.०२९.०६
 माहं॑ म॒घोनो॑ वरुण॒ प्रियस्य॑ भूरि॒दाव्ज आ वि॑दे शून॒मापेः॑ ।
 मा रा॒यो रा॑जन्सुयमा॒दव॑ स्थां बृ॒हद्व॑दे॒म वि॒दथे॑ सु॒वीराः॑ ॥ २.०२९.०७

ऋ॒तं दे॒वाय॑ कृण्वते स॒वित्र॑ इन्द्रा॒याहि॑ध्ने न र॑मन्त॒ आपः॑ ।
 अ॒हर॑हर्या॒त्यक्तु॑रपां॒ किया॑त्या प्रथ॒मः सर्ग॑ आसाम् ॥ २.०३०.०१
 यो वृ॒त्राय॑ सि॒नम॒त्राभ॑रिष्य॒त्प्र तं॑ जनि॒त्री वि॒दुष॑ उवाच ।
 प॒थो रद॑न्ती॒रनु॑ जोष॑मस्मै दि॒वेदि॒वे धु॒नयो॑ यन्त्य॒र्थम् ॥ २.०३०.०२
 ऊ॒र्ध्वो ह्य॒स्थाद॑ध्यन्त॒रिक्षे॑ऽधा वृ॒त्राय॑ प्र व॒धं ज॑भार ।
 मि॒हं वसा॑न॒ उप॒ हीम॑दु॒द्रोत्ति॑गमायु॒धो अज॑य॒च्छत्रु॑मिन्द्रः ॥ २.०३०.०३
 बृ॒हस्प॑ते तपु॒षाश्ने॑व वि॒ध्य वृ॒कद्व॑रसो असु॒रस्य॑ वी॒रान् ।
 यथा॑ ज॒घन्थ॑ धृ॒षता॑ पुरा चि॒देवा॑ ज॒हि शत्रु॑म॒स्माक॑मिन्द्र ॥ २.०३०.०४
 अ॒व॑ क्षिप दि॒वो अ॒श्मान॑मु॒च्चा ये॒न शत्रुं॑ म॒न्दसा॑नो नि॒जूर्वाः॑ ।
 तो॒कस्य॑ सा॒तौ तन॑यस्य॒ भूरे॑स्माँ अ॒र्धं कृ॑णुतादिन्द्र॒ गोना॑म् ॥ २.०३०.०५
 प्र हि॑ ऋ॒तु वृ॒हथो॑ यं व॒नुथो॑ र॒ध्रस्य॑ स्थो॒ यज॑मानस्य चो॒दौ ।
 इन्द्रा॑सो॒मा यु॒वम॑स्माँ अ॒विष्ट॑म॒स्मिन्भ॒यस्थे॑ कृणु॒तमु॑ लो॒कम् ॥ २.०३०.०६
 न मा॑ तम॒न्न श्र॑म॒न्नोत॑ तन्द्र॒न्न वो॑चाम॒ मा सु॑नो॒तेति॑ सोमम् ।
 यो मे॑ पू॒णाद्यो॑ दद॒द्यो नि॒बोधा॑द्यो मा॑ सु॒न्वन्त॑मु॒प गो॑भिरायत् ॥ २.०३०.०७
 सर॑स्वति॒ त्वम॑स्माँ अ॒विडि॑ढ म॒रुत्व॑ती धृ॒षती॑ जेषि॒ शत्रू॑न् ।
 त्यं चि॒च्छ॒र्धन्तं॑ तवि॒षीय॑माणमिन्द्रो॒ हन्ति॑ वृ॒षभं॑ शण्डि॒काना॑म् ॥ २.०३०.०८
 यो नः॑ सनु॒त्य उ॒त वा॑ जिघ॒त्सुर॑भिख्याय॒ तं ति॑गिते॒न वि॒ध्य ।
 बृ॒हस्प॑त आयु॒धैर्जे॑षि॒ शत्रू॑न्दु॒हे री॑षन्तं परि॒ धेहि॑ राजन् ॥ २.०३०.०९
 अ॒स्माके॑भिः स॒त्वभिः॑ शू॒र शू॑रै॒र्वीर्या॑ कृ॒धि या॑नि॒ ते क॑र्त्वा॒नि ।
 ज्यो॑ग॒भूव॑न्ननु॒धूपि॑तासो ह॒त्वी तेषा॑मा भ॒रा नो॑ वसू॒नि ॥ २.०३०.१०
 तं वः॑ श॒र्धं मा॑रु॒तं सु॒म्नयु॑र्गि॒रोप॑ ब्रु॒वे नम॑सा॒ देव्य॑ जन॒म् ।
 यथा॑ रा॒यि सर्वा॑वी॒रं नशा॑महा॒ अप॑त्य॒साचं॑ श्रु॒त्य दि॒वेदि॒वे ॥ २.०३०.११

अ॒स्माकं॑ मि॒त्रावरु॑णाव॒तं रथ॑मा॒दित्यै॑ रु॒द्रैर्व॑सुभिः स॒चाभु॑वा ।
 प्र॒ यद्व॒यो न प॑प्त॒न्वस्म॑न॒स्परि॑ श्र॒वस्य॑वो हृ॒षीव॑न्तो वन॒र्षदः॑ ॥ २.०३१.०१

अर्धं स्मा न उदवता सजोषसो रथं देवासो अभि विक्षु वाज्युम् ।
 यदाशवः पद्याभिस्त्रितो रजः पृथिव्याः सानौ जङ्घनन्त पाणिभिः ॥ २.०३१.०२
 उत स्य न इन्द्रो विश्वर्षणिर्दिवः शर्धेन मारुतेन सुक्रतुः ।
 अनु नु स्थात्यवृकाभिस्तृती रथं महे सनये वाजसातये ॥ २.०३१.०३
 उत स्य देवो भुवनस्य सक्षणिस्त्वष्टा ग्नाभिः सजोषा जूजुवद्रथम् ।
 इळा भगो बृहद्विवोत रोदसी पूषा पुरंधिरश्विनावधा पती ॥ २.०३१.०४
 उत त्ये देवी सुभगे मिथूदशोषासानक्ता जगतामपीजुवा ।
 स्तुषे यद्वा पृथिवि नव्यसा वचः स्थातुश्च वयस्त्रिवया उपस्तिरे ॥ २.०३१.०५
 उत वः शंसमुशिजामिव श्मस्यहिर्बुध्योऽज एकपादुत ।
 त्रित ऋभुक्षाः सविता चनो दधेऽपां नपादाशुहेमा धिया शमि ॥ २.०३१.०६
 एता वो वशम्युद्यता यजत्रा अतक्षन्नायवो नव्यसे सम् ।
 श्रवस्यवो वाजं चकानाः सप्तिर्न रथ्यो अहं धीतिमश्याः ॥ २.०३१.०७

अस्य मे द्यावापृथिवी ऋतायतो भूतमावित्री वचसः सिषासतः ।
 ययोरायुः प्रतरं ते इदं पुर उपस्तुते वसूयुवा महो दधे ॥ २.०३२.०१
 मा नो गुह्या रिपं आयोरहन्दमन्मा न आभ्यो रीरधो दुच्छुनाभ्यः ।
 मा नो वि यौः सख्या विद्धि तस्य नः सुम्नायता मनसा तत्त्वेमहे ॥ २.०३२.०२
 अहेळता मनसा श्रुष्टिमा वहं दुहानां धेनुं पिप्युषीमसश्चतम् ।
 पद्याभिराशुं वचसा च वाजिनं त्वां हिनोमि पुरुहूत विश्वहा ॥ २.०३२.०३
 राकामहं सुहवां सुष्टुती हुवे शृणोतु नः सुभगा बोधतु त्मना ।
 सीव्यत्वर्षः सूच्याच्छ्रद्यमानया ददातु वीरं शतदायमुक्थ्यम् ॥ २.०३२.०४
 यास्ते राके सुमतयः सुपेशसो याभिर्ददासि दाशुषे वसूनि ।
 ताभिर्नो अद्य सुमना उपागहि सहस्रपोषं सुभगे रराणा ॥ २.०३२.०५
 सिनीवालि पृथुष्टुके या देवानामसि स्वसा ।
 जुषस्व हव्यमाहुतं प्रजां देवि दिदिडिढ नः ॥ २.०३२.०६
 या सुबाहुः स्वङ्गुरिः सुषूमा बहुसूवरी ।
 तस्यै विश्वपत्न्यै हविः सिनीवाल्यै जुहोतन ॥ २.०३२.०७
 या गुडूर्या सिनीवाली या राका या सरस्वती ।
 इन्द्राणीमह्व ऊतये वरुणानीं स्वस्तये ॥ २.०३२.०८

आ ते पितर्मरुतां सुम्नमेतु मा नः सूर्यस्य संदृशो युयोथाः ।
 अभि नो वीरो अर्वति क्षमेत प्र जायेमहि रुद्र प्रजाभिः ॥ २.०३३.०१
 त्वादत्तेभी रुद्र शंतमेभिः शतं हिमा अशीय भेषजेभिः ।
 व्यस्मद्वेषो वितरं व्यंहो व्यमीवाश्चातयस्वा विषूचीः ॥ २.०३३.०२
 श्रेष्ठो जातस्य रुद्र श्रियासि तवस्तमस्तवसां वज्रबाहो ।
 पर्षि णः पारमंहसः स्वस्ति विश्वा अभीती रपसो युयोधि ॥ २.०३३.०३

मा त्वा रुद्र चुक्रुधामा नमोभिर्मा दुष्टृती वृषभ मा सहूती ।
 उन्नो वीराँ अर्पय भेषजेभिर्भिषक्तमं त्वा भिषजाँ शृणोमि ॥ २.०३३.०४
 हवीमभिर्हवते यो हविर्भिरव स्तोमेभी रुद्रं दिषीय ।
 ऋदूदरः सुहवो मा नो अस्यै बभ्रुः सुशिप्रो रीरधन्मनायै ॥ २.०३३.०५
 उन्मा ममन्द वृषभो मरुत्वान्त्वक्षीयसा वयसा नाधमानम् ।
 घृणीव च्छायामरपा अशीया विवासेयं रुद्रस्य सुम्नम् ॥ २.०३३.०६
 क्वरुँ स्य ते रुद्र मृळयाकुर्हस्तो यो अस्ति भेषजो जलाषः ।
 अपभर्ता रपसो दैव्यस्याभी नु मा वृषभ चक्षमीथाः ॥ २.०३३.०७
 प्र बभ्रवे वृषभाय श्वितीचे महो महीं सुष्टुतिमीरयामि ।
 नमस्या कल्मलीकिनं नमोभिर्गृणीमसि त्वेषं रुद्रस्य नाम ॥ २.०३३.०८
 स्थिरेभिरङ्गैः पुरुरूप उग्रो बभ्रुः शुक्रेभिः पिपिशे हिरण्यैः ।
 ईशानादस्य भुवनस्य भूरेन वा उ योषदुद्रादसुर्यम् ॥ २.०३३.०९
 अहंनिभर्षि सायकानि धन्वार्हन्निष्कं यजतं विश्वरूपम् ।
 अहंनिदं दयसे विश्वमभ्वं न वा ओजीयो रुद्र त्वदास्ति ॥ २.०३३.१०
 स्तुहि श्रुतं गर्तसदं युवानं मृगं न भीममुपहत्नुमुग्रम् ।
 मृळा जरित्रे रुद्र स्तवानोऽन्यं ते अस्मन्नि वपन्तु सेनाः ॥ २.०३३.११
 कुमारश्चित्पतरं वन्दमानं प्रति नानाम रुद्रोपयन्तम् ।
 भूरेदातारं सत्पतिं गृणीषे स्तुतस्त्वं भेषजा रास्यस्मे ॥ २.०३३.१२
 या वो भेषजा मरुतः शुचीनि या शतंमा वृषणो या मयोभु ।
 यानि मनुरवृणीता पिता नस्ता शं च योश्च रुद्रस्य वशिम ॥ २.०३३.१३
 परि णो हेती रुद्रस्य वृज्याः परि त्वेषस्य दुर्मतिर्मही गात् ।
 अव स्थिरा मघवद्भयस्तनुष्व मीढवस्तोकाय तनयाय मृळ ॥ २.०३३.१४
 एवा बभ्रो वृषभ चेकितान यथा देव न हृणीषे न हंसि ।
 ह्वनश्रुत्रो रुद्रेह बोधि बृहद्वदेम विदथे सुवीराः ॥ २.०३३.१५

धारावरा मरुतो धृष्ववोजसो मृगा न भीमास्तविषीभिरर्चिनः ।
 अग्नयो न शुशुचाना ऋजीषिणो भूमि धमन्तो अप गा अवृण्वत ॥ २.०३४.०१
 द्यावो न स्तुभिश्चितयन्त खादिनो व्यश्रभिया न द्युतयन्त वृष्टयः ।
 रुद्रो यद्वो मरुतो रुक्मवक्षसो वृषाजनि पृश्याः शुक्र ऊर्धनि ॥ २.०३४.०२
 उक्षन्ते अश्वँ अत्याँ इवाजिषु नदस्य कर्णैस्तुरयन्त आशुभिः ।
 हिरण्यशिप्रा मरुतो दविध्वतः पृक्षं याथ पृषतीभिः समन्यवः ॥ २.०३४.०३
 पृक्षे ता विश्वा भुवना ववक्षिरे मित्राय वा सदमा जीरदानवः ।
 पृषदश्चासो अनवभ्राधस ऋजिप्यासो न वयुनेषु धूर्षदः ॥ २.०३४.०४
 इन्धन्वभिर्धेनुभी रप्यदूधभिरध्वस्मभिः पथिभिर्भ्राजदृष्टयः ।
 आ हंसासो न स्वसराणि गन्तन मधोर्मदाय मरुतः समन्यवः ॥ २.०३४.०५
 आ नो ब्रह्माणि मरुतः समन्यवो नरां न शंसः सर्वनानि गन्तन ।

अश्वा॑मिव॒ पिप्य॑त॒ धे॒नु॒मू॒धनि॑ क॒र्ता॒ धिय॑र् ज॒रित्रे॑ वा॒जपि॑शसम् ॥ २.०३४.०६
 तं नो॑ दा॒त म॒रुतो॑ वा॒जिनं॑ रथं॒ आपा॑नं ब्र॒ह्म॑ चि॒तर्या॑द्वि॒वेदि॑वे ।
 इषं॑ स्तो॒तृभ्यो॑ वृ॒जने॑षु का॒रवे॑ स॒नि मे॒धाम॑रिष्टं दुष्ट॒रं स॑हः ॥ २.०३४.०७
 यद्गु॑ञ्जते म॒रुतो॑ रू॒क्मव॑क्षसोऽश्वा॒त्रथे॑षु भ॒ग आ सु॑दानवः ।
 धे॒नुर्न शि॒ञ्चे स्व॑सरेषु पि॒न्वते॒ जना॑य॒ रात॑हविषे म॒हीमि॑षम् ॥ २.०३४.०८
 यो नो॑ म॒रुतो॑ वृ॒कता॑ति॒ मत्यो॑ र्पि॒पुर्दधे॑ वस॒वो र॑क्षता रि॒षः ।
 वर्त॑यत॒ तपु॑षा च॒क्रिया॑भि॒ तमव॑ रु॒द्रा अ॒शसो॑ ह॒न्तना॑ वधः ॥ २.०३४.०९
 चि॒त्रं तद्वो॑ म॒रुतो॑ या॒म चे॑किते॒ पृश्न्या॑ यदू॒धर॑प्या॒पयो॑ दुहुः ।
 यद्वा॑ नि॒दे न॑व॒मान॑स्य रु॒द्रिया॑स्त्रि॒तं ज॑रा॒य जु॑रताम॒दाभ्याः॑ ॥ २.०३४.१०
 तान्वो॑ म॒हो म॒रुत॑ ए॒व्याब्जो॑ वि॒ष्णोरे॑षस्य॒ प्रभृ॑थे ह॒वाम॑हे ।
 हि॒रण्य॑वर्णा॒न्ककु॑हान्य॒तस्रु॑चो ब्र॒ह्मण्य॑न्तः शंस्यं॒ राध॑ ई॒महे ॥ २.०३४.११
 ते द॑श॒वाः प्रथ॑मा॒ यज्ञ॑मू॒हिरे॑ ते नो॑ हि॒न्वन्तू॑षसो॒ व्युष्टि॑षु ।
 उषा॑ न॒ रामी॑र॒रुणै॑र॒पोर्णु॑ते म॒हो ज्यो॑तिषा शु॒चता॑ गो॒र्णसा॑ ॥ २.०३४.१२
 ते क्षो॑णीभि॒ररु॑णेभि॒नाञ्जि॑भी रु॒द्रा ऋ॑तस्य॒ सदन॑ेषु वावृधुः ।
 नि॒मेघ॑माना॒ अत्ये॑न॒ पाज॑सा सु॒ञ्चन्द्रं॑ वर्णं॒ दधि॑रे सु॒पेश॑सम् ॥ २.०३४.१३
 ताँ इ॒यानो॑ म॒हि व॑रू॒थमू॑तय॒ उप॑ घे॒देना॑ न॒मसा॑ गृणीमसि ।
 त्रि॒तो न या॑न्पञ्च॒ होत॑न॒भिष्ट॑य॒ आव॑वर्त॒दव॑राञ्चक्रियावसे ॥ २.०३४.१४
 यया॑ र॒धं पा॑र॒यथा॑त्य॒हो यया॑ नि॒दो मु॑ञ्चथ॒ वन्दि॑तारम् ।
 अ॒र्वाची॑ सा म॒रुतो॑ या व॒ ऊ॒तिरो॑ षु वा॒श्रेव॑ सु॒मति॑र्जिगातु ॥ २.०३४.१५

उपे॑मसृक्षि वा॒जयु॑र्व॒चस्यां॑ च॒नो॑ दधी॒त ना॒द्यो गि॑रो॒ मे ।
 अ॒पां न॑पा॒दाशु॑हेमा॒ कुवि॑त्स सु॒पेश॑स॒स्कर॑ति॒ जोषि॑षद्धि ॥ २.०३५.०१
 इ॒मं स्व॑स्मै हृ॒द आ सु॑तष्टं॒ मन्त्रं॑ वो॒चेम॑ कु॒विद॑स्य॒ वेद॑त् ।
 अ॒पां न॑पा॒दसुर्य॑स्य॒ म॒ह्ना वि॒श्वान्य॑र्यो॒ भुव॑ना॒ जजान॑ ॥ २.०३५.०२
 स॒म॒न्या य॑न्त्यु॒प य॑न्त्य॒न्याः स॑मा॒नमू॑र्वं॒ नद्यः॑ पृ॒णन्ति॑ ।
 त॒मू शु॑चिं॒ शुच॑यो दी॒दिवा॑स॒मपां॑ न॒पातं॑ परि॒ तस्थु॑रा॒पः ॥ २.०३५.०३
 त॒मस्मे॑रा॒ युव॑तयो॒ युवा॑नं॒ मर्म॑ज्यमा॒नाः परि॑ य॒न्त्या॒पः ।
 स शु॑क्रेभिः शि॒क्वभी॑ रे॒वद॑स्मे दी॒दाया॑नि॒ध्मो घृ॑तनि॒र्णिग॑प्सु ॥ २.०३५.०४
 अ॒स्मे ति॑स्रो अ॒व्यथ्या॑य॒ नारी॑र्दे॒वाय॑ दे॒वीर्दि॑धिष॒न्त्यन्न॑म् ।
 कृ॒ता इ॒वोप॑ हि प्र॒सस्रे॑ अ॒प्सु स पी॑यूषं॒ धय॑ति॒ पूर्व॑सू॒नाम् ॥ २.०३५.०५
 अ॒श्वस्या॑त्र॒ जनि॑मा॒स्य च॑ स्व॒र्द्धो॑ रि॒षः स॒म्पृचः॑ पा॒हि सू॑रीन् ।
 अ॒मासु॑ पूर्षु॒ परो॑ अ॒प्रमृ॑ष्यं॒ नारा॑तयो॒ वि न॑श॒न्नानृ॑तानि ॥ २.०३५.०६
 स्व॒ आ द॑मे॒ सुदु॑घा॒ यस्य॑ धे॒नुः स्व॑धां पी॒पाय॑ सु॒भ्वन्न॑मत्ति ।
 सो अ॒पां न॑पा॒र्जय॑न्न॒स्वर्न्त॑र्व॒सुदे॑याय॒ विध॑ते॒ वि भा॑ति ॥ २.०३५.०७
 यो अ॒प्स्वा शु॑चि॒ना दै॒व्येन॑ ऋ॒तावा॑जस्र उ॒र्विया॑ वि॒भाति॑ ।
 व॒या इ॒दन्या॑ भुव॒नान्य॑स्य॒ प्र जा॑यन्ते॒ वीरु॑धश्च॒ प्रजा॑भिः ॥ २.०३५.०८

अ॒पां न॒पादा ह्य॒स्थादु॒पस्थं जि॒ह्वानामू॒र्ध्वो वि॒द्युतं व॒सानः ।
 तस्य॑ ज्येष्ठं॑ म॒हिमानं॑ व॒हन्ती॑र्हि॒रण्यव॑र्णाः परि॑ यन्ति॒ यद्द्वीः ॥ २.०३५.०९
 हि॒रण्यरू॒पः स हि॒रण्यसं॑दृ॒गपां न॒पात्सेदु॑ हि॒रण्यव॑र्णः ।
 हि॒रण्यया॑त्परि॒ योनेर्नि॑षद्या॑ हि॒रण्यदा॑ द॒दत्यन्न॑मस्मै ॥ २.०३५.१०
 तद॒स्यानीक॑मु॒त चारु॑ नामा॒पीच्यं॑ व॒र्धते॑ न॒प्तुर॑पाम् ।
 यमि॒न्धते॑ यु॒वतयः॑ स॒मित्था हि॒रण्यव॑र्णं घृ॒तमन्न॑मस्य ॥ २.०३५.११
 अ॒स्मै ब॒हूनाम॑व॒माय॑ स॒ख्ये यज्ञैर्वि॑धेम॒ नमसा॑ ह॒विभिः॑ ।
 सं सानु॑ मा॒ज्मिं दि॒धिषामि॑ बिल्मै॒र्दधाम्य॑न्नैः परि॑ वन्द॒ ऋग्भिः॑ ॥ २.०३५.१२
 स ई॒ वृषा॑जन॒यत्तासु॑ गर्भं॒ स ई॒ शिशु॑र्ध॒यति॑ तं रि॒हन्ति॑ ।
 सो अ॒पां न॒पादन॑भि॒म्लात॑वर्णोऽन्य॒स्येवेह॑ त॒न्वा वि॒वेष ॥ २.०३५.१३
 अ॒स्मिन्प॑दे परि॒मे त॑स्थि॒वांसम॑ध्व॒स्मभिर्वि॑श्वहा॑ दी॒दिवांस॑म् ।
 आपो॑ न॒प्त्रे घृ॒तमन्नं॑ व॒हन्तीः॑ स्व॒यम॑त्कैः परि॑ दी॒यन्ति॑ यद्द्वीः ॥ २.०३५.१४
 अया॑स॒मग्ने॑ सु॒क्षितिं॑ ज॒नायाया॑समु॒ मघव॑द्भयः सु॒वृक्ति॑म् ।
 विश्वं॑ तद्भ॒द्रं यद॑वन्ति॒ देवा बृ॒हद्व॑दे॒म वि॒दथे॑ सु॒वीराः॑ ॥ २.०३५.१५

तुभ्यं॑ हि॒न्वानो॑ व॒सिष्ट॑ गा अ॒पोऽधु॑क्षन्सी॒मवि॑भिर॒द्रिभि॑र्नरः ।
 पि॒बेन्द्र॑ स्वाहा॒ प्रहु॑तं॒ वष॑ट्कृतं॒ होत्रा॑दा सोमं॑ प्रथ॒मो य ई॑शिषि ॥ २.०३६.०१
 यज्ञैः॑ स॒म्मिश्र॑लाः पृष॑तीभि॒र्ऋष्टि॑भिर्याम॒ञ्छुभ्रा॑सो॒ अज्जि॑षु॒ प्रिया॑ उ॒त ।
 आ॒सद्या॑ ब॒र्हिर्भ॑रतस्य॒ सूनवः॑ पोत्रा॒दा सोमं॑ पि॒बता॑ दि॒वो नरः॑ ॥ २.०३६.०२
 अ॒मेव॑ नः सु॒हवा॑ आ हि॒ गन्त॑न॒ नि ब॑र्हिषि॑ स॒दत॑ना॒ रणि॑ष्टन ।
 अथा॑ म॒न्दस्व॑ जु॒जुषा॑णो अ॒न्धस॑स्त्वष्ट॒देभि॑र्जनि॒भिः सु॑म॒द्रणः॑ ॥ २.०३६.०३
 आ व॑क्षि॒ देवाँ इ॒ह वि॑प्र॒ यक्षि॑ चो॒शन्हो॑त॒र्नि ष॑दा॒ योनि॑षु॒ त्रिषु॑ ।
 प्रति॑ वी॒हि प्र॑स्थितं॒ सोम्यं॑ मधु॒ पिबा॑ग्नी॒ध्रात्तव॑ भा॒गस्य॑ तृ॒ष्णुहि॑ ॥ २.०३६.०४
 ए॒ष स्य॑ ते॒ तन्वो॑ नृ॒म्णव॑र्ध॒नः स॒ह ओजः॑ प्र॒दिवि॑ ब॒ाहो॑र्हितः ।
 तुभ्यं॑ सु॒तो म॑घ॒वन्तु॒भ्यमा॑भृ॒तस्त्वम॑स्य॒ ब्राह्म॑णा॒दा तु॑प॒त्पिब॑ ॥ २.०३६.०५
 जुषे॑था॒ यज्ञं॑ बो॒धतं॑ ह॒वस्य॑ मे स॒त्तो हो॑ता॒ नि॒विदः॑ पू॒र्व्या अनु॑ ।
 अ॒च्छ्रा॒ राजा॑ना॒ नम॑ ए॒त्यावृ॑तं॒ प्रशा॑स्त्रा॒दा पि॑बतं॒ सोम्यं॑ मधु॑ ॥ २.०३६.०६

म॒न्दस्व॑ हो॒त्रादनु॑ जोष॒मन्ध॒सोऽध्व॑र्य॒वः स पूर्णा॑ व॒ष्ट्या॑सि॒चम् ।
 तस्मा॑ ए॒तं भ॑रत॒ तद्दृ॒शो द॑दि॒र्होत्रा॑त्सोमं॒ द्रवि॑णो॒दः पिब॑ ऋ॒तुभिः॑ ॥ २.०३७.०१
 यमु॒ पूर्व॑म॒हुवे॑ तमि॒दं हु॒वे सेदु॑ ह॒व्यो द॑दिर्यो॒ नाम॑ प॒त्यते॑ ।
 अ॒ध्वर्यु॑भिः प्र॒स्थितं॑ सो॒म्यं मधु॑ पोत्रा॒त्सोमं॑ द्रवि॒णोदः॑ पिब॑ ऋ॒तुभिः॑ ॥ २.०३७.०२
 मेघ॑न्तु॒ ते व॒ह्यो ये॑भिरी॒यसे॑ऽरि॒षण्य॑न्वी॒ळय॑स्वा॒ वन॑स्पते ।
 अ॒यूया॑ धृ॒ष्णो अ॒भिगू॑र्या॒ त्वं ने॑ष्ट्रा॒त्सोमं॑ द्रवि॒णोदः॑ पिब॑ ऋ॒तुभिः॑ ॥ २.०३७.०३
 अ॒पाद्द्वोत्रा॑दु॒त पो॒त्राद॑म॒त्तोत॑ ने॒ष्ट्राद॑जुष॒त प्रयो॑ हितम् ।
 तुरी॒यं पा॒त्रम॑मृ॒क्तम॑म॒र्त्यं द्रवि॑णो॒दाः पि॑बतु॒ द्रावि॑णो॒दसः॑ ॥ २.०३७.०४

अर्वाञ्चमद्य यय्यं नृवाहणं रथं युञ्जाथामिह वां विमोचनम् ।
 पृङ्कतं हवीषि मधुना हि कं गतमथा सोमं पिबतं वाजिनीवसू ॥ २.०३७.०५
 जोष्यग्ने समिधं जोष्याहुतिं जोषि ब्रह्म जन्यं जोषि सुष्टुतिम् ।
 विश्वेभिर्विश्वां ऋतुना वसो मह उशन्देवाँ उशतः पायया हविः ॥ २.०३७.०६

उदुष्य देवः सविता सवायं शश्वत्तमं तदपा वह्निरस्थात् ।
 नूनं देवेभ्यो वि हि धाति रत्नमथाभजद्वीतिहोत्रं स्वस्तौ ॥ २.०३८.०१
 विश्वस्य हि श्रुष्टये देव ऊर्ध्वः प्र बाहवा पृथुपाणिः सिसर्ति ।
 आपश्चिदस्य व्रत आ निमृग्रा अयं चिद्वातो रमते परिज्मन् ॥ २.०३८.०२
 आशुभिश्चिद्यान्वि मुचाति नूनमरीरमदतमानं चिदेतोः ।
 अह्यर्षूणां चिन्नययाँ अविष्यामनु व्रतं सवितुर्मोक्यागात् ॥ २.०३८.०३
 पुनः समव्यद्विततं वयन्ती मध्या कर्तोर्न्यधाच्छकम धीरः ।
 उत्संहायास्थाद्वास्तूरदधररमतिः सविता देव आगात् ॥ २.०३८.०४
 नानौकांसि दुर्यो विश्वमायुर्वि तिष्ठते प्रभवः शोको अनेः ।
 ज्येष्ठं माता सूनवे भागमाधादन्वस्य केतमिषितं सवित्रा ॥ २.०३८.०५
 समाववर्ति विष्टितो जिगीषुर्विश्वेषां कामश्चरताममाभूत् ।
 शश्वं अपो विकृतं हित्व्यागादनु व्रतं सवितुर्देव्यस्य ॥ २.०३८.०६
 त्वया हितमप्यमप्सु भागं धन्वान्वा मृगयसो वि तस्थुः ।
 वनानि विभ्यो नकिरस्य तानि व्रता देवस्य सवितुर्मिनन्ति ॥ २.०३८.०७
 याद्वाध्यं वरुणो योनिमप्यमनिशितं निमिषि जभुराणः ।
 विश्वो मार्ताण्डो व्रजमा पशुर्गात्स्थशो जन्मानि सविता व्याकः ॥ २.०३८.०८
 न यस्येन्द्रो वरुणो न मित्रो व्रतमर्थमा न मिनन्ति रुद्रः ।
 नारातयस्तमिदं स्वस्ति हुवे देवं सवितारं नमोभिः ॥ २.०३८.०९
 भगं धियं वाजयन्तः पुरंधि नराशंसो ग्नास्पतिर्नो अब्याः ।
 अये वामस्य संगथे रयीणां प्रिया देवस्य सवितुः स्याम ॥ २.०३८.१०
 अस्मभ्यं तद्विवो अद्भयः पृथिव्यास्त्वया दत्तं काम्यं राध आ गात् ।
 शं यत्स्तोतृभ्यं आपये भवात्युरुशंसाय सवितर्जरित्रे ॥ २.०३८.११

ग्रावाणिव तदिदथं जरेथे गृध्रेव वृक्षं निधिमन्तमच्छ ।
 ब्रह्माणेव विदथ उक्थशासा दूतेव हव्या जन्या पुरुत्रा ॥ २.०३९.०१
 प्रातर्यावाणा रथ्येव वीराजेव यमा वरमा सचेथे ।
 मेने इव तन्वाइ शुम्भमाने दम्पतीव क्रतुविदा जनेषु ॥ २.०३९.०२
 शृङ्गेव नः प्रथमा गन्तमर्वाकच्छफाविव जभुराणा तरोभिः ।
 चक्रवाकेव प्रति वस्तोरुस्रार्वाञ्चा यातं रथ्येव शक्रा ॥ २.०३९.०३
 नावेव नः पारयतं युगेव नभ्येव न उपधीव प्रधीव ।
 श्वानेव नो अरिषण्या तनूनां खगलेव विस्रसः पातमस्मान् ॥ २.०३९.०४

वातेवाजुर्या नद्येव रीतिरक्षी इव चक्षुषा यातमर्वाक् ।
 हस्ताविव तन्वेऽ शम्भविष्टा पादेव नो नयतं वस्यो अच्छ् ॥ २.०३९.०५
 ओष्ठाविव मध्वास्ने वदन्ता स्तनाविव पिप्यतं जीवसे नः ।
 नासेव नस्तन्वो रक्षितारा कर्णाविव सुश्रुता भूतमस्मे ॥ २.०३९.०६
 हस्तेव शक्तिमभि संददी नः क्षामेव नः समजतं रजांसि ।
 इमा गिरो अश्विना युष्मयन्तीः क्षणोत्रेणैव स्वधितिं सं शिशीतम् ॥ २.०३९.०७
 एतानि वामश्विना वर्धनानि ब्रह्म स्तोमं गृत्समदासो अक्रन् ।
 तानि नरा जुजुषाणोप यातं बृहद्वदेम विदथे सुवीराः ॥ २.०३९.०८

सोमापूषणा जनना रयीणां जनना दिवो जनना पृथिव्याः ।
 जातौ विश्वस्य भुवनस्य गोपौ देवा अकृण्वन्नमृतस्य नाभिम् ॥ २.०४०.०१
 इमौ देवौ जायमानौ जुषन्तेमौ तमांसि गूहतामजुष्टा ।
 आभ्यामिन्द्रः पक्वमामास्वन्तः सोमापूषभ्यां जनदुस्त्रियासु ॥ २.०४०.०२
 सोमापूषणा रजसो विमानं सप्तचक्रं रथमविश्वमिन्वम् ।
 विष्वृतं मनसा युज्यमानं तं जिन्वथो वृषणा पञ्चरश्मिम् ॥ २.०४०.०३
 दिव्यऋण्यः सदनं चक्र उच्चा पृथिव्यामन्यो अध्यन्तरिक्षे ।
 तावस्मभ्यं पुरुवारं पुरुक्षुं रायस्पोषं वि ष्यतां नाभिमस्मे ॥ २.०४०.०४
 विश्वान्यन्यो भुवना जजान विश्वमन्यो अभिचक्षाण एति ।
 सोमापूषणावर्तं धियं मे युवाभ्यां विश्वाः पृतना जयेम ॥ २.०४०.०५
 धियं पूषा जिन्वतु विश्वमिन्वो रयिं सोमो रयिपतिर्दधातु ।
 अवतु देव्यदितिरनर्वा बृहद्वदेम विदथे सुवीराः ॥ २.०४०.०६

वायो ये ते सहस्रिणो रथासस्तेभिरा गहि ।
 नियुत्वान्सोमपीतये ॥ २.०४१.०१
 नियुत्वान्वायवा गह्ययं शुक्रो अयामि ते ।
 गन्तासि सुन्वतो गृहम् ॥ २.०४१.०२
 शुक्रस्याद्य गवाशिर इन्द्रवायू नियुत्वतः ।
 आ यातं पिबतं नरा ॥ २.०४१.०३
 अयं वा मित्रावरुणा सुतः सोमं ऋतावृधा ।
 ममेदिह श्रुतं हवम् ॥ २.०४१.०४
 राजानावनभिद्गुहा ध्रुवे सदस्युत्तमे ।
 सहस्रस्थूण आसाते ॥ २.०४१.०५
 ता सम्राजा घृतासुती आदित्या दानुनस्पती ।
 सचेते अनवह्वरम् ॥ २.०४१.०६
 गोमदू षु नासत्याश्चावद्यातमश्विना ।
 वर्ती रुद्रा नृपाय्यम् ॥ २.०४१.०७

न यत्परो नान्तर आदधर्षद्वेषणवसू ।
 दुःशंसो मर्त्यो रिपुः ॥ २.०४१.०८
 ता न आ वोळ्हमश्चिना रयिं पिशङ्गसंदृशम् ।
 धिष्ण्या वरिवोविदम् ॥ २.०४१.०९
 इन्द्रो अङ्ग महङ्गयमभी षदप चुच्यवत् ।
 स हि स्थिरो विचर्षणिः ॥ २.०४१.१०
 इन्द्रश्च मृळयाति नो न नः पञ्चादधं नशत् ।
 भद्रं भवाति नः पुरः ॥ २.०४१.११
 इन्द्र आशाभ्यस्परि सर्वाभ्यो अभयं करत् ।
 जेता शत्रून्विचर्षणिः ॥ २.०४१.१२
 विश्वे देवास आ गत शृणुता म इमं हवम् ।
 एदं बर्हिर्नि षीदत ॥ २.०४१.१३
 तीव्रो वो मधुमाँ अयं शुनहोत्रेषु मत्सरः ।
 एतं पिबत काम्यम् ॥ २.०४१.१४
 इन्द्रज्येष्ठा मरुद्गणा देवासः पूषरातयः ।
 विश्वे मम श्रुता हवम् ॥ २.०४१.१५
 अम्बितमे नदीतमे देवितमे सरस्वति ।
 अप्रशस्ता इव स्मसि प्रशस्तिमम्ब नस्कृधि ॥ २.०४१.१६
 त्वे विश्वा सरस्वति श्रितायूषि देव्याम् ।
 शुनहोत्रेषु मत्स्व प्रजां देवि दिदिडिढ नः ॥ २.०४१.१७
 इमा ब्रह्म सरस्वति जुषस्व वाजिनीवति ।
 या ते मन्म गृत्समदा ऋतावरि प्रिया देवेषु जुह्वति ॥ २.०४१.१८
 प्रेता यज्ञस्य शम्भुवा युवामिदा वृणीमहे ।
 अग्निं च हव्यवाहनम् ॥ २.०४१.१९
 द्यावा नः पृथिवी इमं सिध्नमद्य दिविस्पृशम् ।
 यज्ञं देवेषु यच्छताम् ॥ २.०४१.२०
 आ वामुपस्थमद्गुहा देवाः सीदन्तु यज्ञियाः ।
 इहाद्य सोमपीतये ॥ २.०४१.२१

कनिक्रदज्जनुषं प्रब्रुवाण इयति वाचमरितेव नावम् ।
 सुमङ्गलश्च शकुने भवासि मा त्वा का चिदभिभा विश्व्या विदत् ॥ २.०४२.०१
 मा त्वा श्येन उद्वधीन्मा सुपर्णो मा त्वा विददिषुमान्वीरो अस्ता ।
 पित्र्यामनु प्रदिशं कनिक्रदत्सुमङ्गलो भद्रवादी वदेह ॥ २.०४२.०२
 अव क्रन्द दक्षिणतो गूहाणां सुमङ्गलो भद्रवादी शकुन्ते ।
 मा नः स्तेन ईशत माघशंसो बृहद्वदेम विदथे सुवीराः ॥ २.०४२.०३

प्रदक्षिणिदभि गृणन्ति कारवो वयो वदन्त ऋतुथा शकुन्तयः ।
उभे वाचौ वदति सामगा इव गायत्रं च त्रैष्टुभं चानु राजति ॥ २.०४३.०१
उद्गतेव शकुने साम गायसि ब्रह्मपुत्र इव सवनेषु शंससि ।
वृषेव वाजी शिशुमतीखीत्या स्वर्तो नः शकुने भद्रमा वद विश्वतो नः शकुनेपुण्यमा वद ॥ २.०४३.०२
आवदस्त्वं शकुने भद्रमा वद तूष्णीमासीनः सुमतिं चिकिद्धि नः ।
यदुत्पतन्वदसि कर्करियथा बृहद्वदेम विदथे सुवीराः ॥ २.०४३.०३

Last updated July 2, 2013

Special mention : Initial processing and help by Avinash and Shashi Sathaye,
Avinash Chopde, Shree Devi Kumar, Sunder Hattangadi, John Gardner.
Reprocessed from Original in final form by Detlef Eichler with additional corrections.
See Detlef's site <http://www.detlef108.de/Rigveda.htm>
for other details and formats.

The text is shown with accents (Anudattas, dependent Svaritas,
and independent Svaritas including Kampas). Words are connected (agnimIle).
Ch is doubled as in gachChati according to the rules of Rigveda-Pratishakhya.
At the end of a word m is replaced by Anusvara M if the initial letter of the
following word is a labial stop consonant (p, ph, b, bh, m).
Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version
of the Rigveda (<http://www.people.fas.harvard.edu/witzel/onlineRV.htm>).
In this text accented vowels have Udatta or 'independent Svarita' markers.
Kampas are not shown. Words are separated (agnim ILe).
Ch is not doubled as in gaChati. At the end of a word we find m before
a following labial stop consonant (p, ph, b, bh, m).
Visarga H before sh, Sh or s followed by a voiceless consonant has
been dropped according to a rule of Rigveda-Pratishakhya.

Send corrections to : detlefeichler@googlemail.com, sanskrit@cheerful.com

The text is to be used for personal studies and research only.
Any use for commercial purpose is prohibited as a 'gentleman's' agreement.

Please send corrections to sanskrit@cheerful.com
Last updated July 7, 2013
<http://sanskritdocuments.org>